

卷九

東洋文化研究所
漢籍善本全文影像資料庫
編卷一

刑部 捐贖杖罪不照捐款案

刑部為據情題明等事議得據蘇撫陳 疏稱已革候選員外郎鄭

玉珩係威逼邱義二自縊身死問擬滿杖又史取善誣控黃履暹揭

父滅倫敗化案內所開之犯已革監生許華生已經審明並無主持

情事亦繹公引誘黃履暹起造花園楊廷鏢曾有罰修學宮之語余

繹廷鏢俱擬重杖余繹公係監生楊廷鏢係貢生均照律折贖

茲玉珩情願捐贖罪銀貳萬兩許華生被誣審釋請復監生願

捐贖楊廷鏢失言致罪自知悔艾願捐銀貳千兩余繹公願

捐贖兩各呈請具題以助水利工程等因具題前來查鄭玉珩

捐贖二料銀兩以致邱二自縊將鄭玉珩照威逼人死律杖一

書名 成案彙編二十六卷目二卷
撰者 清 雅爾哈善 等輯
卷 卷九
內容分類 史-政書-法令-刑案
索書號 大木-法類-例案-6
編號 B3850600

彩色首頁1

東洋文化研究所漢籍目錄 編號: B3850600

東洋文化研究所漢籍目錄所藏漢籍善本全文影像資料庫 索書號: 大木-法類-例案-6

漢籍善本全文影像資料庫文本成案彙編二十六卷目二卷

版權所有: 東京大學 東洋文化研究所

使用上的注意事項

卷九 名例一

Handwritten text in a rectangular box, possibly a library stamp or archival mark, containing illegible characters.





提臣袒護兵丁妄借倉穀議處案

兵部爲遵

旨察議具奏事乾隆八年六月十七日奉

上諭朕惠養兵民視同一體卽如地方米少價昂之際或平難以濟民食或借穀以濟兵糧均當斟酌其時而後行之方于兵民有益而無如無識武員欲博兵丁歡心好行其惠不計時候之早遲與倉儲之多寡輒冒昧請發迨後來米糧不繼而兵民俱受其困矣今年春夏間廣西提督譚行義欲借柳州倉穀伍千石與提標兵丁旣已咨商撫臣自應聽其酌覆乃該撫尚未回覆而譚行義竟將叁千石借與兵丁且欲全省照此通行是其意但知有兵不知有民矣獨不知兵丁每月旣有餉銀

成案彙編

卷九

倉庫三


又有額米非貧民無計營生者可比譚行義識見卑鄙不知大體著交部察議具奏從來武官陋習一味袒護兵丁以博稱譽兵丁又恃強負氣難于約束西北邊境以及苗徭地方並濱江沿海之區營汛居多一城一汛之中兵民幾于半一人食糧而弟兄親戚遂有依勢生事之意及至發覺該管弁員又復爲之請托承審有司未免顧惜同官處分不加窮究而兵丁益無忌憚矣著各省督撫提鎮時刻留心查察嚴切訓飭倘有仍蹈故轍者將該弁卽行糾叅兵丁加重懲治不得姑容欽此查原任提臣譚行義欲借柳州倉穀接濟兵丁旣咨商巡撫應候該撫酌覆舉行乃譚行義擅將倉穀叁千石借與兵丁且欲全省照此通行是袒護兵丁徇庇顯然查定例內官員徇庇者降二級調用等語應將原任廣西提督今調補直隸宣化總兵官譚行義照例降二級調用乾隆八年七月二十八日奉

自譚行義者銷去軍功紀錄一級仍降一級調用餘依錄

成案彙編

卷九 倉庫三

二



不行詳明及已詳未批擅借倉穀已經全完仍應議處駁查案
吏部爲敬陳銅礦等事會議得廣督那 咨稱粵東廣惠潮韶等
屬停採銅礦一案曲江英德二縣銅商借出各縣貯平糶谷石廣南
韶道薛馥經借肆千石原任英德令今陞浙江寧波府同知陳洪範
經借七千三百石原任曲江令許鍾霖經借三千石彼時許鍾霖並
未詳明私行借給薛馥陳洪範詳請借穀尙未奉有督撫批行卽行
動給其穀價係商人一年限外繳還聽部核議等因前來查此案銅
商借出穀石係調任總督馬 等奏明赴粵西買回以備平糶之項
前任曲江令許鍾霖並未詳明擅行借給廣南韶道薛馥與陞任英
德令陳洪範雖經詳請但未奉有督撫批行借給均屬私借况私借
之項該商等一年限外完繳並非該員等代商限內全完與復還原
職之例不符且前項私借銅商穀石未便援引應糶常平倉穀一面
開糶一面詳報之例題請免議應將薛馥陳洪範許鍾霖均照虛出
通關硃鈔律革職但查該督咨文內開據薛馥復稱廠中無糧一面
通詳一面檄府先行撥給米壹千石交商運廠接濟隨時准移奉兩
院批回如詳撥給續發米壹千石等語薛馥於何年月日期詳奉批
回撥給是否實情應詳查明確以便計贓定擬又薛馥及陳洪範借
給商人穀石僅有商人自完月日其於何年月日出借米石未據聲
明許鍾霖借給商人穀石並借出交還月日均未聲明刑部碍難遽
議應令該督逐一查明按律妥議具題到日再行察核定擬可也乾
隆拾年陸月拾貳日

追借賑抵虧空承追展限案

刑部題叅事會議得叅革驛糧道許大定未完銅斤水脚銀兩一案湖督既稱有許大定房屋可變又有屠應宗楊維天借欠銀兩抵補等語應如所題再展限陸個月應令江西巡撫速將屠應宗楊維天借欠許大定銀兩嚴追補項其楚省房屋作速變價抵補再此案承追各官除江夏縣知縣李恂應俟限滿無完補叅到日再議外應將詳報遲延武昌府知府張淑眉照例罰俸叁個月可也奉

旨依議

承追借欠照雜項錢糧議處督催上司例無處分案
吏部懇追借欠等事查戶部咨稱廣撫金以原任陸川縣顧鵬借
欠原任陝西西安府通判張晟本利銀兩一案一年限滿未據完報
將初叅督催巡撫金等咨叅移咨吏部查議等因前來查此案先
據該撫將初次承督各官咨叅本部案將承追之署陸川縣事平樂
府通判呂成章照雜項錢糧例議處陸川縣回任知縣謝錫候限滿
補叅到日再附入彙題其督催之原任鬱林州知州佟世俊等俱例
無處分均毋庸議知照該撫在案今廣撫金等督催不力職名應
毋庸議雍正捌年貳月內

常平倉穀准借糶並行

戶部爲敬籌出易倉糧等事准晉撫石 咨稱晉省常平倉各項糧石題明於青黃不接之時糶賣三分秋收買補惟是或糶或借總屬出陳易新伏查倉糧借糶兼施已經河東總督田 奏請奉部覆准在案今晉省常平倉穀石有請借之處准其借給取借過花名穀數細冊達部如秋後徵還不足責令該管官賠補先取愿賠印結存案於秋後照例加息徵還造冊送部查核若有請糶之處照例允糶將銀解寄司庫取銀穀數目細冊達部如秋後買還不足責令該管官照數賠補先取愿賠印結存案如有餘價一併增買穀石入倉造冊送部等因又咨稱靈邱縣倉貯咨商事案內并殺虎口倉米石原係預備軍需之項久貯在倉地氣薰蒸若不變通勢必將來日漸霉爛空蛀請照出陳易新之例糶賣所糶米價解司秋收領買如有盈餘

儘數增買米石入倉若買不足數責令該縣賠補將買過米價亦造冊送部相應咨請示覆等因前來查常平倉收貯糧石向有出陳易新之例今該撫既稱因地制宜借糶兼施總屬出易有請借者准其借給有請糶者照例允糶至靈邱縣倉貯米石亦請出陳糶賣等語均應如該撫所請常平穀石准其借糶兼施其靈邱縣倉米亦准其糶賣務於秋收後照數還倉如有盈餘儘數增買倘有不足着落賠補其借給利息穀石一併徵還入倉仍嚴飭該管官不時稽查如有胥役紳衿冒領及積囤影射情弊察出卽行題叅究治併將借糶米穀及銀兩數目分晰造冊報部查核可也

承追借欠不照承追虧空議處案
吏部題明事覆廣督阿 咨叅特叅官商事案內叅革宜山縣知縣
張嘉碩應追認抵鹽道李我郊虧空銀貳千壹百玖拾叁兩肆錢伍
分又埠商陳金吾應追侵欺鹽價併認欠思縣病故知縣胡士偉西
稅共銀玖百陸兩柒錢捌分零一案一年限滿無完將承追不力宜
山縣知縣張夢白咨叅原咨送吏部議處等因前來除督催各官先
經照例議處外應將初叅承追不力宜山縣知縣張夢白照例降俸
二級戴罪承追雍正陸年貳月內奉

旨依議

承追督催借欠照行追虧空例議處案

吏部題明事議得刑部咨稱廣撫金以平樂府病故知府胡醇仁借欠孫查齊銀叁千陸百兩一案一年限滿任催無完將承追之署平樂府事桂林府知府耿麟奇等咨參前來原咨送吏部議處等因除署撫總督阿克敦已經別案革職蒼梧道魏壯已經病故均毋庸議承追之署平樂府事桂林府知府耿麟奇督催之蒼梧道張體義布政司張允懷均俟限滿另參到日再議外應將初參督催布政司金照例罰俸叁個月查金已陞巡撫應於現任內罰俸叁個月雍正捌年捌月奉

旨依議

成案彙編

卷九 倉庫三

八



行追借欠抵帑欠戶人亡產盡仍着欠帑人完補案
刑部轉行催追事會議得原任四川重慶府已故知府周天祐借欠
原任四川按察司劉世奇銀伍百兩行追抵帑一案據湖撫德 具
題前來查已故周天祐名下應追借欠劉世奇銀伍百兩該撫既稱
周天祐家產全無無可著追取具印甘各結送部等語應如所題請
將此項銀兩行文正黃旗漢軍都統仍歸於劉世奇的屬名下催追
還項再該撫疏稱拾壹年拾壹月貳拾柒日肆個月例限已滿武昌
府於拾貳月初肆日詳報到司所有轉報遲延之武昌府現任知府
馬靈阿相應附叅等語查此案於雍正拾壹年拾壹月貳拾柒日限
滿該府於拾貳月初肆日詳司計逾限陸日查定例官員將事件遲
延不及壹月事已完結者免議等語應將馬 免議可也雍正拾貳
年伍月內奉

承追借欠買賣人銀兩限期案

吏部請

旨事咨覆行追原任桂林府同知李 借欠買賣人胡嘉佩銀兩一案查
督追之官例無議處定例借欠買賣人銀兩勒限陸個月催完如逾
陸個月將承追官罰俸陸個月逾限玖個月將承追官罰俸壹年逾
限壹年將承追官降一級罰俸一年又勒限陸個月催追不完將承
追官題叅從重治罪令該撫照例扣限查叅可也
按查外省咨行催追各項銀兩限滿不完上司無處分有此案可援
又內部轉行催追之項不必勒限有廣西埠商余聖言借欠黃國材
銀兩之案可查

承追扣除封印案

工部欽奉

恩詔事議得福撫趙 咨稱粵省原任新寧縣知縣姜胡俊應完核減忠義節孝祠宇牌坊銀兩屢催未據完解此案自雍正拾壹年拾壹月貳拾壹日准咨除去封印日期計至雍正拾貳年肆月拾玖日限滿所有承追不力之候官縣注郊相應咨叅等因查定例官員不作十分之雜項錢糧未完報明題叅降俸二級戴罪督催等因雍正拾貳年玖月

認還虧空銀兩一年限滿未完照常人盜擬罪因行追原籍變產
銀兩未到帶罪監追案

刑部特叅官商等事議得廣督孔 題宜山縣叅革知縣張嘉碩因
埠商陳金吾侵那原任病故鹽驛道李我郊抵補虧空銀兩並張嘉
碩名下認欠李我郊未完銀兩一案據該督孔 疏稱張嘉碩認還
銀二千一百九十餘兩准部勒限一年嚴行追補限滿止據張嘉碩
還銀四百二十兩未完銀一千七百七十二兩業經將承督各官咨
叅在案應將張嘉碩照例擬徒但伊堂兄張孟球有應找張嘉碩田
房產價銀一千伍百九十伍兩前經移咨蘇撫飭查行追緣張孟球
恃無對質遷延不吐以致帑項久懸請將張嘉碩戴罪監追行文蘇
撫將張孟球應找張嘉碩銀兩及張嘉碩原籍估變產銀四百二十
四兩嚴行追出解粵還項等因前來應如所題張嘉碩合依常人盜
倉庫錢糧捌拾兩者絞係雜犯准徒五年治罪但張嘉碩既有張孟
球應找田房產價銀兩應將張嘉碩戴罪監追令該督咨行蘇州巡
撫嚴飭地方官將張孟球名下應找張嘉碩田房產價銀兩並張嘉
碩原籍估變產銀兩追完解粵補項等因雍正六年三月內奉

旨依議

成案彙編

卷九

倉庫三

十一

那移銀兩一年限內全完開復案

戶部揭報虧空事會議得直撫李以署大名縣事長垣縣知縣吳秉權虧空陸拾壹年地丁銀兩一案審明實係因公那用已照數全完且新例內開是那非侵能於一年限內全完准予開復今吳秉權虧空之案正與新例相符應請開復等因前來查吳秉權原叅虧空陸拾壹年地丁銀叁千伍拾兩該撫既經審明是那非侵限內全完與開復之例相符應將吳秉權原叅革職之案准其開復可也雍正貳年伍月內奉

旨依議

已叅虧空於部文未到之先全完題請免議案
戶部據實請報事議覆湖撫魏 疏稱沅陵縣知縣戴鎬虧空銀穀
經臣會疏題叅并飭審侵那實情追擬去後茲據布政司朱綱詳據
戴鎬將前項虧空銀兩如數移交清楚虧空倉穀盤明實貯並將前
項銀兩如數解司彈收等因臣查虧空官員能於叅後全完者例得
免議所有原叅沅陵縣知縣戴鎬虧空之案相應照例題請免議等
因前來查先經該撫以戴鎬虧空前項銀穀於貳年叁月內題叅奉
旨道所叅戴鎬虧空銀穀情由該督嚴審追擬具奏欽此臣部已經行令
該督嚴審追擬在案今虧空銀穀既稱叅後全完題請免議相應准
其免議知照該督仍行該撫將已完銀兩彙行解部已完穀石加謹
收貯可也雍正貳年柒月內奉

旨依議戴鎬着來京引見

成案彙編

卷九

倉庫三

古

任所無題請原籍催追駁案

刑部題明事議得丹陽革職病故令張志學未完虧空銀米麥石一案據署江督范 疏稱張志學名下應追虧空銀米麥石先因張志學身故奉部着落伊的屬勒追歷在任所嚴查僅有什物勘估銀伍兩貳錢零移查原籍福建晉江縣現有家產估銀壹百柒拾叁兩零的屬張國棟張崇世可追未完銀兩米麥請就張志學原籍着落伊的屬張國棟等名下追結等因前來查張志學那移虧空銀米麥石該督既移查閩省有伊子張國棟等可追並不卽行提解來江監追反請徑行原籍催追甚屬不合應令該督轉咨福撫將張志學之子提解江省監追並飭原籍晉江德化二縣着落志學的屬名下催追完解其江省承追各官如再瞻徇情面不實力催追卽將未完銀米麥石着落承追不力之員分賠至任所所有什物再飭確查變價承

成案彙編

卷九

倉庫三

五

督各官仍照原限查叅雍正伍年柒月內奉

旨依議

那移銀兩叅後全完免罪不開復案

刑部詳揭虧空等事議得原任華容令張彬虧空糶賣漕米易穀價銀一案據湖撫王疏稱華邑奉文平糶將截留漕米貳千石糶價銀壹千叁百兩易穀肆千石存倉適雍正肆年該縣歉收穀少價貴增銀貳百叁拾伍兩湊買肆千石又修理倉廩並運湘潭等縣賑穀肆千捌百餘石應需水脚共那肆百壹拾伍兩以致少穀貳千石今該員將所欠穀價銀兩叅後如數解交藩庫並無侵蝕情弊張彬應請免罪經承王光裕杖責革役等因具題前來據此應如該撫所題張彬應杖壹百流叁千里所那穀價既於叅後全完應免罪未買穀石速行買補不行稟阻之經承王光裕已經先行發落應毋庸議雍正陸年 月內奉

旨依議

成案彙編

卷九

倉庫三

六

那移出納還充官用折贖案

刑部特叅不職等事會議得甘撫許 疏稱墨城營遊擊馮起要等營私冒餉一案據此應如所題馮起要合依那移出納還充官用者計贓准監守自盜論罪止杖壹百流叁千里係雜犯總徒肆年律馮起要應杖壹百總徒肆年免刺係職官照例折贖其那用公費等銀捌拾兩玖錢玖分應令折贖銀貳拾兩俱於馮起名下照追入官鄭高合依監臨主守將係官錢糧等物私自借用或轉借與人者計贓以監守自盜論治罪但所借之銀悉行歸還相應免罪至副將張嘉翰令家人頂食名糧該撫既稱伊家人曾在鎮海堡令守城出力非濫給家人頂食名糧者可比毋庸議外查定例官員將正項錢糧不行報明該撫私自那移以就緊急軍需者降一級留任等語張嘉翰雖因營中軍器破損公費不足權支馬糧拾分以資修補但並未詳

成案彙編

卷九

倉庫三

七

明上司那移充用應照此例降一級留任事在

恩旨以前相應免議守備謝斌借用雜項銀兩亦屬不應應將謝 照不應重杖係官降三級調用等因雍正捌年柒月奉

旨依議

那移千百兩以上擬流准徒不准收贖民欠之穀仍向民間追補
案

刑部特參貪劣等事議得叅革山陽縣知縣杜方震貪劣一案據署
陝督查 疏稱將杜方震照那移出納律擬流總徒四年係五千兩
以下照例折贖等因具題前來據此應如所題杜方震除經理 先
農壇宇藉田已經改造如式並出示派幫差役各輕罪不議外其那
移社倉穀石掩抵未完民欠合依倉庫錢糧不正收正支那移出納
還充官用者計贓准監守自盜論罪止杖一百流三千里係雜犯總
徒四年律應徒四年至配所杖一百折責四十板該署督疏稱那移
五千兩以下應請照例折贖等語查例載那移千百兩者不准折贖
等語應將該署督折贖之處毋庸議其民欠未完穀石應令現在知
縣勒限一年着落原欠之里民催征補項如逾限不完仍着落杜方

成案彙編

卷九 倉庫三

六

震家屬照數追賠奉

旨依議

查賑那虧正項錢糧給發飯食紙張擬罪案

刑部爲飭查署官交代錢糧事議得叅革興化縣知縣陸忻虧空錢糧一案據原任江督那疏稱緣乾隆元年興邑被災凡勘災查賑造冊紙張以及員役舟車盤費飯食等項欽奉

上諭酌量動用存公銀兩毋許絲毫派累陸忻奉調入闈另案叅革縣丞蔡璋代管縣事卽動用銀二百一十八兩零給發陸忻回署又陸續給過銀六百四兩零繼因前署司姚孔鈔詳明另頒條款通飭各屬當據陸忻遵式造冊請銷銀一百四十四兩三錢六厘又據陸忻交銀三十五兩四錢一分八厘餘銀未交今審據陸忻與經承孫維乾僉供俱係實給並無冒侵情弊但不應擅動濫給至蔡璋經手動放銀兩併入陸忻請銷數內已無諉卸再查陸忻請銷銀兩續又核減七兩三錢五厘實虧那銀六百五十兩三錢九分七厘零將陸忻依

成案彙編

卷九

倉庫三

十九

律擬流准徒孫維乾擬杖均援免等因具題前來應如該督所請陸忻合依錢糧不正収正支那移出納還充官用者准監守自盜論罪止杖一百流三千里免刺係雜犯總徒四年不行稟阻之經承孫維乾應杖八十事犯

恩赦以前俱應免罪孫維乾仍革役陸忻虧那銀兩勒追完報乾隆五年
月內奉

旨依議

置買學田備辦軍需以致虧空准作那移案

刑部條例應行事議得寧遠縣革職知縣李大本因培植學校那動

該年地丁銀一百一十三兩七錢

止有詳院案卷碑摹執據

置買學田二十四畝

以為貧士養贍之資又因康熙五十八年江浙大兵往滇奉文發銀

買馬二十四匹因發價不敷添賠銀四十兩湊買解赴沅州時值天氣

炎熱倒斃十一匹李大本恐悞軍需又那地丁銀二百六十五兩買

補止有毛片

又本年三月內李大本奉調赴常德管理裝送大兵船

隻係二月催備至四月大兵未到船戶守候日久飯食缺少李大本

又那該年地丁銀二百六十兩四錢散給船戶

止有船戶領狀為據

將李大本

照那移律擬罪具題雍正四年 月內奉

旨依議

成案彙編

卷九

倉庫三

辛

民欠限年追出補項無完分賠案

刑部虧空復經等事議得浙督李 題仙居縣叅革病故知縣陳九經虧空案內有雍正二三年民欠米折銀九百七十二兩并雍正三年民欠地丁銀八百三十餘兩經接任知縣李安裔出具認徵印結統限一年追徵如限內不完照例着失察之知府楊廷璋尚瑤及陳九經之孫陳國營名下分賠應如所題着落認征知縣李安裔勒限一年追征完項外尚欠應減米價銀二百四十兩着落陳國榮名下勒限追補如限內不完照例于失察知府楊廷璋尚瑤名下分賠可也雍正七年三月內奉

旨依議

成案彙編

卷九 倉庫三

三

知府分賠俟審明侵那定議案

吏部詳請改委等事議得甘撫許 疏稱署靜寧州事試用病故知縣龍需有征未解各年各項銀兩查該管知府有不時盤查之責平涼府知府李相當龍需在任之時既未查出至離任病故之後始行揭報其失察之咎理應一併題叅革職分賠但龍需自雍正七年三月初一日到任至十月初五日離任該管知府李相奉派打造糧車及辦理運送一切軍需未暇分身盤查可否革職從寬留任出自聖裁等因具題前來查定例州縣倉庫錢糧知府年底盤查出結之後仍令不時盤查毋論幾時察出虧空立即報叅免其治罪分賠或別發覺者仍照例治罪分賠等語應將失察之平涼府知府李相照例革職再該撫既稱龍需自雍正七年三月初一日到任該管知府李相奉派打造糧車及辦理軍需未暇分身盤查可否革職從寬留任出自

成案彙編

卷九 倉庫三

三

自

聖恩等語其李相應否准其革職從寬留任之處恭候

欽定再查此案該州虧空錢糧尚未審明是侵是那則該管知府難以懸擬分賠應行令該撫將龍需名下虧空錢糧審明是侵是那到日再議可也奉

旨依議

錢糧那新墊舊署任接征并上司各處分案

吏部為特叅扣新抵舊等事議得戶部咨稱安撫魏 疏稱婺源縣
康熙六十一年十一月間批解地丁銀四千兩到司已經兌收前布
政司李馥不于款內照數註收希避考成婺源縣知縣張天俊既甘
限于前又不能徵完于後將原任布政李馥等指叅前來應將以新
填舊之布政李馥照溺職例革職查李馥已經別案革職其革職之
處仍行註册朱經查出混行造册之署布政司盧鳳道吳應鳳布政
司董永艾照例各降一級留任吳應鳳已別案解任應于補官日降
一級留任董永艾已調浙江按察司應于現任內降一級留任至接
征之知縣張天俊既甘限于前又不能征完于後殊屬溺職其革職
之處仍行註册該撫既稱婺源康熙五十六年未完地丁現欠在民
飭令署印官征催如仍無完着落甘限之張天俊并扣抵之李馥名

成案彙編

卷九

倉庫三

三

下分賠等語應如該撫所請飭令署印官催征如仍無完着落張天
俊等名下分賠可也等因雍正四年十二月內奉

旨依議

將平糶之米那作正糧擬徒納贖俱免案

刑部爲特叅貪劣乖張之縣令以肅官方事會看得原任海鹽縣知縣潘重庚貪劣乖張一案據浙撫盧 疏稱原叅潘重庚糶米平糶小民不霑實惠一欵緣潘重庚糶米一千石平糶每斗詳定制錢一百五十文僅糶米三百一十石零餘米六百八十九石零適有前署海鹽縣知縣王楠交下駁換霉黧匠糧米石未經買補潘重庚卽將平糶餘米那作正糧易換米石存庫銀價卽作平糶穀價解司歸欵餘銀一兩五分零抵作解費潘重庚並非私糶入已亦無多收錢文情事但將平糶正米那抵前任駁換匠糧使小民不霑實惠罪實難追潘重庚將平糶米那抵正項應照律擬徒審無婪贓情事已干本案革職照例徒杖納贖俱免龔其庶等擬以徒杖仍分別收贖革役等因具題前來應如該撫所題潘重庚合依監臨主守不正收正支那移出納還充官用者計贓准監守自盜罪止杖一百流三千里律係雜犯總徒四年查審無婪贓入已照例納贖俱免乾隆五年八月內奉

旨依議

成案彙編

卷九 倉庫三

三

買補平糶穀價虧短依那移擬罪案

刑部請嚴交代之察核等事議得署石門縣事候補通判劉漢儒虧空倉穀一案據浙撫程 疏稱緣石邑地方收成歉薄民食維艱劉漢儒詳明將倉穀礮米平糶以濟民食後領價銀採買穀石因價值昂貴少買穀一千五百五十八石零又值委辦開濬驛河不及買補經臣題叅劉漢儒於被叅之後即將穀價九百二十二兩九錢零賂補通完歷審供認不諱將劉漢儒免罪開復具題前來應如所題劉漢儒合依凡錢糧監臨主守不正收正支那移出納還充官用者計贓准監守自盜論罪止杖一百流三千里係雜犯照例准徒四年折贖既稱所虧平糶倉穀叅後照數繳價通完應請免議等語應毋庸議劉漢儒平糶穀價叅後通完應將劉漢儒原叅虧空革職之案照例准其開復俟

成案彙編

卷九 倉庫三

三

命下之日吏部帶領引

見可也雍正十三年十二月內奉

旨依議

買補倉穀遲延督催官例無處分案

吏部欽奉

上諭事覆廣撫金 咨查桂林府應買補穀石一案經該撫將買補遲延之署桂林府事本府通判張允臨咨叅本部業將各該員議處在案今督催之護蒼梧道平樂府知府胡醇等俱例無處分均無庸議合咨查照施行

成案彙編

卷九

倉庫三

三

倉穀盤折無多免參

晉撫石 揭報虧空事奉

旨據石麟奏稱知縣高人傑虧空貯倉穀石請令審擬究追等語夫貯倉之穀數至四千八百餘石而所少不過二百餘石爲數無多此或係盤查苛刻斛量之折耗不應遽以虧空叅劾高人傑曾揭報李國祥侵用庫銀李國祥亦揭報高人傑買穀冒銷兩人互揭時日未久石麟卽委員盤查高人傑之倉庫旋以虧空詳叅其中必有緣故石麟身爲巡撫乃通省屬員之表率凡事理應公明詳慎若受人朦蔽稍有偏向何以彈壓屬員假若高人傑無過而但因揭報李國祥遂枉受冤抑則將來各屬必致互相瞻徇不敢舉報甚非察吏之道高人傑不必審究着來京朕面加詢問另用該部知道

虧空社穀駁案

刑部爲揭報叅令虧空事議得陵縣叅草知縣何深虧空銀兩豆穀一案據東撫喀 將何深照例擬以總徒併聲明那移銀兩已於叅後全完應折贖俱免倉書陳廷珪等分別擬以徒杖等因具題前來查原叅何深虧空社穀一項雖據該撫疏稱緣何深于乾隆七年到任查前任交代冊內開有民欠社倉穀一百七十石八斗與借冊核對相符卽信爲寔係民欠不及細查借戶認狀委係愚昧被朦並非有心捏混等語不獨供看不符且陳廷珪所供私收係乾隆五年間勸捐之社穀而何深之供稱王相等認狀又係雍正十三年原捐未交之社穀事屬兩岐若謂陳廷珪私收之社穀卽係原捐未交之項則原捐未交之項已于乾隆四年間奉文豁免自無庸開入交代冊內若交代冊內旣經開載則明非何深所供前任奉詳豁免之項矣

成案彙編

卷九 倉庫三

二十六

其中顯有影射情弊再查陳廷珪供稱前任王令併同城官所捐穀五十七石價銀係發給劉統緒等六人採買等語其果否屬寔亦應傳喚劉統緒等到案訊取確供方可定議著追今查疏內並無劉統緒等口供承審各官並未訊及亦屬疎漏種種舛錯碍難核覆應令該撫再加詳細查審務得確寔妥擬具題到日再議乾隆玖年 月 奉

旨依議

湖南買補倉穀事宜

戶部爲敬陳楚南之積貯等事內閣抄出湖南按察使明德條奏湖南常平社倉買補減糶并建益倉廩一摺奉

硃批該部議奏欽此

一奏稱買補倉穀以交倉愆期有混行入冊造報等弊請嚴禁預行發價派買並不許令賣戶上倉州縣自行備脚輓運應如所請行令該督撫嚴禁各屬嗣後買補倉穀如果一時購難足數本地有穀之家情愿出售于官者看明成色議定價值務必見穀交銀官爲經理輓運無得預發價銀強行派買亦不得勒令賣戶上倉交納致啓愆期捏報并擾累民生等弊至輓運脚價請於穀價內支銷查運脚一項凡賑濟買還及協撥鄰境運費無本款可支者例得酌動公項若收捐折色則照定價儘買無庸另開運費其春糶秋還仍動原款買

成案彙編

卷九 倉庫三

三九

補者脚價于盈餘內開除久經遵行在案未便竟于穀價內支銷應令照舊辦理其從前已買而未入倉者該按察使明德雖稱寬其已往懲其將來但各上司因何任其將未進倉穀混行冊報現今尙有若干處每處未入倉者尙有若干石應令該督撫等確查報部核奪仍于本年秋成嚴飭還倉倘有不完嚴參追賠再奏稱未進倉穀混行人冊捏報暨知而徇隱并失于覺察之各上司嚴定處分等語亦應如所請嗣後如有將未進倉穀混行入冊捏報者照未完之錢糧捏已全完轉報例革職其該管各上司知而徇隱應照徇庇例降三級調用若止失于覺察應照失于查察例罰俸一年至所奏州縣年底造報倉穀限期緊迫請寬至次年二月造報之處查買補之期原在秋成之後過此價昂難買今若准其展至二月造報各屬或因爲限已寬不行及時趕買反致價貴蹉跎貽誤倉貯應仍照舊辦理所

奏寬限之處無庸議

一奏稱未買常穀宜籌添不敷之價也切查買補倉穀若價甚昂貴例得聲明寬限所有長沙等府州縣未買穀石節據該撫咨請展限業經戶部以年復一年倉貯懸虛行令嚴飭各屬買還并令查明該處存倉穀石是否足資接濟報部在案嗣于本年四月內奉

上諭常平原額固不可缺至于鄰省採買及捐監收米之例俱應一概暫停俟豐稔之後米價如常再徐徐辦理其如何酌定之處著大學士會同九卿詳議速奏欽此欽遵經大學士會同九卿議覆若該處常平穀石賑恤平糶于原貯穀內動用并將原額全用者將糶價暫貯司庫仍令各該督撫因時籌畫如適當年歲豐裕米價平減再將糶價不拘穀石定數陸續買補等因通行在案是動用原額及全用者現今將價銀暫貯司庫徐徐酌辦所有長沙等府縣前項未買倉穀該督

成案彙編

卷九 倉庫三

三

撫自應遵照現今議定之案因時籌畫酌量年歲豐歉陸續買還詎可懸揣價昂預動庫項尅期買足應將該按察使明德所請暫動庫項添補還倉之處毋庸議

一奏稱減糶倉糧請將穀石卽照米石畫一辦理查米穀價值原有多寡之殊故一米二穀係向來成例大學士等原議既按每米一石酌減則每穀一石自應抵米五斗照數核減若將糶穀亦同糶米一例減價是米穀無所區別何以平物價而準民情卽云零星升斗所減無多然人情避貴趨賤毫厘亦必計較豈有不肯赴廠糶買之理况歉歲發糶業奉

上諭著該督撫臨時酌量情形將應減若干之處預行奏聞請旨欽遵在案如果應減于常例之外無論米穀原未拘定一錢之數總在督撫臨時酌辦至若尋常出易自宜仍照成例一米二穀計算辦理該按

察使所奏米穀畫一更定之處應毋庸議

一奏稱社倉穀石該省既無倉廩又無社副係社長自行營運報息與民食毫無裨益奏請動用息穀添建倉廩先擇二人充爲正副查湖南社倉既經准以息穀三升作爲折耗修倉之用該省節年造報社穀冊內業將息穀開銷今因何並無倉廩而正社副社亦經題明設有其人今因何又無社副應令該撫將從前作何收貯經營之處查明報部現在應否建倉並作何添建一併酌議報部查議至所奏責成本管道府就近稽查并令該撫臣歲底摺奏之處查社倉事目內開收支米訖逐日轉報本縣事畢具總數申府等因是稽查之法已有成效今若再令道員巡查無論奉行不寔究屬虛文即使察核有力而于民間自行捐貯之項反多紛擾應令照舊辦理務使官民兩便仍于年底將社倉本息總數繕摺奏

成案彙編

卷九 倉庫三

三

聞并造冊送部備案可也乾隆八年七月初二日奉
硃批依議

晉省朔平府增儲倉糧

戶部爲詳請補還倉糧以寔邊儲事查得晉撫石 疏稱常豐倉所
有米石原足供右衛官兵歲支之用並無缺乏但從前添貯米石既
經運送新城則儲備不足况綏遠城額需兵米或地方偶有豐歉萬
一不敷亦不可不預爲籌及應請動銀買米四萬石于添建倉內積
貯其所需銀兩臣于乾隆二年奏銷存剩銀七萬五千五百十二兩
零項內動支銀四萬兩飭令朔平糧餉同知陸續赴司領銀俟秋收
豐稔隨時購買于兩年之內買足四萬石貯倉備用等語查積貯倉
糧原應充裕而朔平地處邊疆倉儲尤關緊要自宜積貯豐裕以備
臨時應用應如該撫所請准其動銀買米四萬石于朔平府屬添建
倉內存貯其所需米價銀兩在于乾隆二年奏銷存剩地丁銀內動
用飭令朔平糧餉同知陸續赴司領銀俟秋收豐稔即便採買如米

成案彙編

卷九 倉庫三

三

價昂貴卽令停買總令確查時價儘力購買務于二年之內買足貯
倉備用仍將陸續所買米石價值數目先行據寔報部查核統俟買
完之日將用過價銀核寔造冊題銷仍嚴飭該管道府不時稽查毋
許派買浮冒滋弊至大同府屬大有倉現存糧石既有八萬有奇尙
敷應用應令其暫緩買貯可也于乾隆三年十月初一日奉

旨依議

東省被災停征黑豆東豫兩省採買

戶部尚書海 等爲奏

聞事查得上年十月內總理事務王大臣會同臣部議覆河道總督白
條奏內議以齊河等州縣豆苗俱經被淹民間辦納艱難如已經徵
收者仍令起運未經征收者應行緩徵將散給豆石扣減放給等因
在案今據倉場冊報東豫二省運到黑豆十萬餘石內除內務府應
領各圈豆一萬五千餘石放過今年三月分馬豆九千七百餘石下
剩豆止七萬六千餘石等語查八旗拴養馬駝約共二萬四千餘匹
隻若每馬每月支豆一石自今年九月起至次年三月止共需豆十
五萬餘石前項下剩之豆不敷支給伏查乾隆二年二月內臣部以
大兵凱旋八旗拴馬陸續加增額運豆不敷支給奏請于東省粟米
內又改徵黑豆四萬石豫省粟米內又改徵黑豆二萬石自乾隆三

成案彙編

卷九倉庫三

三

年運通交倉所有本年九月至乾隆四年三月八旗料豆每馬每月
暫放五斗俟明年黑豆運到仍照每馬一石之例給發等因奉

旨依議欽遵在案今乾隆三年東省未經征收黑豆既議緩征而運通之
豆又支給不敷自應查照原議扣減放給應請將八旗所需豆石自
本年九月起至次年三月止仍照上年之例每月支給五斗俟明年
額徵黑豆全數運到再行以一石支給俟

命下之日行文內務府八旗倉場一體遵照可也乾隆三年八月十四日
奉

旨八旗喂養馬駝黑豆在所必需今戶部因倉貯豆少請每月減半支放
朕念兵丁等若自行添買不無多費且在京收買恐市價益復高昂今
山東河南收成尙好應于山東採買五萬石河南採買三萬石共八萬
石足敷支放之用著該部行文東豫二省巡撫酌量地方情形動支正

續編分令州縣採買嚴禁短價病民及胥役侵蝕等弊務須于河凍之前委員運送抵通勿致有誤臘月以後支放之用其豆價並腳費等項仍造冊報部核銷至東省本年應征黑豆十一萬石又帶徵乾隆二年經征黑豆五萬三千餘石今又採買五萬石雖該省原係產豆之地但恐官收既多則民間交納或不能如期全完着將帶徵之五萬三千餘石于本年征收一半于乾隆已未年徵收一半以紓民力該部卽遵諭行欽此

發帑赴口外收買糧食接濟直隸

乾隆三年九月十九日奉

上諭今年畿輔地方收成有歉薄之處而口外年穀順成頗稱豐稔昨已降旨准商人出口往來販運以資接濟今思京城米價現在不能平減來春青黃不接之時恐益加騰貴著派出戶部司官赫赫那拉善內務府官員王常保王慎德于張家口古北口二處攜帶內庫帑銀前往會同地方官將米豆雜糧等項照時價採買運送來京交八旗米局平糶使都門兵民得資外來之米以供饗殮而口外有餘之糧亦不至耗費于燒鍋等項無用之地寔爲兩有裨益其應賚銀兩若干并作何輓運之法著該部速行詳悉妥議具奏欽此

酌糶官豆

乾隆八年十月十八日奉

上諭近聞京師黑豆價值昂貴今回鑾在即扈從官兵馬匹用豆益多戶部現存官豆應行平糶著在京戶部堂官卽行查明定議速奏請旨欽此

成案彙編

卷九

倉庫三

美



五城設廠糶賣成色倉米案

戶部爲敬陳管見事議得大學士蔣 條奏京倉剩米給五城等處
廠局糶賣一摺查雍正八年十二月間臣等遵

旨詳議將通倉成色米令五城十廠陸續領糶九年七月內又因米價未
平議令八旗照五城例領成色米糶賣而通倉成色米所餘無幾恐
糶米既少錢價復昂查五城自雍正八年十二月至九年七月共賣
過梗稜粟米三十三萬九百九十石又兩次領賣好米十一萬石計
五城十廠一年可賣米六十餘萬石八旗通州各米局可銷賣四十
萬石于民間大有裨益今大學士蔣 奏稱京通各倉現存米一千
三百五十餘萬石每年進京通倉正耗米四百餘萬石除支放俸餉
等三百餘萬石每年約可剩米一百餘萬石請將一百萬石給五城
八旗各局廠照例糶賣錢文每局留一萬串交與錢局循環兌換其

成案彙編

卷九

倉庫三

三七

餘解交戶部酌量三成四成搭放兵餉並支給公費等語應如所請
于京倉內八旗二十四局領米四十八萬石五城十廠領米四十萬
石通州二廠領通倉米十二萬石分發糶賣每一萬石約計支梗米
四千石稜米四千石粟米二千石以此爲率若某局某項之米銷賣
獨多卽將此項米增添支領聽其于所定數內通融計算總于一
年內均勻糶賣梗稜粟米一百萬石如遇截漕之年戶部同倉場侍郎
公同酌減奏

聞其價值照大學士蔣 所定老米每石一兩稜米每石八錢粟米每石
六錢每人買米不得過一石之數以杜窩囤所賣錢文八旗五城每
局留一萬串各交本處錢局照舊兌換其餘錢文并從前所賣之錢
俱令解交戶部每月同卯錢酌量三成四成搭放再有餘剩放給各
衙門公費如此則錢價米價無慮昂貴嗣後各局換錢之銀兩亦卽

令解交戶部不必于市上收錢至領米時盤量裝運不無虧折應照
例每石准開銷耗米一升其拉運車價照五城例京倉每石給大錢
三十五文通州給大錢二十文于賣米錢內動用報銷其各局糶賣
米數俱令于每月底造冊同所賣錢文送戶部至雍正壬子年八月
內扣足一年各造具清冊送戶部彙核具題再行分晰發糶可也雍
正九年八月十八日奉
旨依議速行

京師平糶

乾隆八年十二月初四日奉

上諭今年直隸所屬河間等處偶被偏災彼地貧民赴京覓食者俱已加恩賑濟不令失所但其間尙有不在賑濟之數者或手藝營生或傭工度日適值米價漸昂當此歲暮天寒情殊可憫著戶部將京倉米石酌量給發各旗局及五城米廠照依時價核減平糶賣與零星肩販之人俾得沿途糶買使僻巷窮簷皆沾寔惠再京城近日錢價尙未平減著照夏間平糶之例將賣米錢文赴市易銀解部以平錢價該部卽速妥議辦理欽此

陝省奏定平糶事宜

戶部爲遵

旨密議事查得陝撫崔 奏稱奉

上諭各省常平倉原爲濟民而設每年青黃不接之時存七糶三以給民食秋成之後照數買補出陳易新不致紅朽以備歉歲賑濟之用法至善也但有司奉行不善其弊遂有不可勝言者當以出糶之時惟附城居民就近赴買而鄉民則往返守候不能徧及且城中行戶牙戶囤戶與倉書聲氣相通捏名冒買而州縣之內丁隨役亦乘機暗竊通同盜賣雖倉額有虧總期秋熟買補還倉時于斗秤溢額浮收填補遮蓋此平糶時之弊也至于買補之際往往擇縣中富戶發給銀兩令其交穀有照時價短發十之一二者有銀色低潮者或令自運還倉腳價無出又或用斗則以大易小用秤則以重易輕且交倉折耗盤倉供應之費

成案彙編

卷九 倉庫三

罕

皆出之小民此富戶之受累也乃更有照糧派買之弊每處派一員頭目總領穀價照數交倉此等窮黎二月新絲五月新穀尙然不敷豈能堪此擾累耶朕思穀貴則出糶穀賤則買補此自然之理恐天時豐歉靡常而價值低昂難定倘或買補之時不能無賠累之苦則官吏不能不問問而而不肖者更欲藉此獲利則其害亦不可問矣其中弊端種種朕知之甚悉而臣工條奏者亦正多但再三思維若明降諭旨又恐謄奸民阻撓公事之漸可密寄各省督撫如何籌畫辦理使官民無累而倉獲常足之處悉心定議具奏不必繕本特諭欽此欽遵仰見我皇上睿慮精詳無微不至而諄諄于官民無累倉獲常足誠體臣民之盛心有備無患之至意也臣查常平之法穀貴減價而糶原爲利濟貧民而欲令貧民寔沾其惠莫要于未開糶之先預查貧民戶口臣請就陝省現在平糶爲我

皇上陳之上年秋收歉薄仰荷

天恩撥運豫米八萬餘石平糶臣于豫米未到之前卽檄行布政司飭令各州縣按照現行保甲門牌預查貧戶分別大小口數卽于門牌上填註貧民二字用圖書戳記令其臨時自攜門牌赴糶計口而授并使之計日而糶迨開糶之時照例四鄉設廠運費在公用銀內報銷又照例糶價大加酌減每石減至七錢且擇公正士民及社倉正副董率其事惟令州縣與監督糶官往來稽查督率不許倉書內丁隨役經手在赴糶者既免往返守候之勞僕役人等不致有暗竊盜賣之弊自去冬開糶以迄今春以八萬餘石之米分撥西安同州二府並乾州所屬三十餘州縣糧雖不多而貧戶日食寬裕人情安貼行之頗有成效但此法宜于歉歲如時值豐登雖當青黃不接之時穀價平賤糶價不必大減亦不必四鄉設廠虛糜脚價卽非真正貧民

成案彙編

卷九 倉庫三

罕

不妨聽其糶買如不能敷糶三之數卽州縣據寔詳明將應糶糧石歸入下年平糶查陝省風土高燥穀性耐久雖存倉多年不必定限糶三也至于買補倉糧勒派富戶及照糧派買並累窮黎諸弊皆由官畏採買之賠累官賠累則惟間關是問臣請嗣後常平倉糧只以原額爲率年年積算一陳僅易一新新貯每有每年貴糶賤糶之盈餘令州縣據寔詳明永遠存留爲買補倉糧之費而不以充別項公用亦不以增減倉糧則今歲之盈餘可預備來歲之不足卽前任之盈餘并可預備後任之不足凡運費折耗及交代盤查一切人夫之費皆取給于盈餘之中倘慮不肖州縣侵挪虧空卽于報明盈餘之時將銀兩提貯府庫遇有採買及一切需費之處准其詳明動支以倉儲所餘常留爲倉儲用庶幾官民無賠益存常平之道也而其弊又在督撫監司于平糶買補之時嚴加訪察使有司奉公畏法等因

具奏奉

硃批該部密議具奏欽此應如所請如時值豐年不能如數糶出卽將應糶穀石歸入下年平糶不必定限糶三之數至所稱買補倉糧只以原額爲率盈餘銀兩永遠留爲買糧及運費撮耗盤查諸項需用之處查倉糧出糶于青黃不接之時買補于新穀登場之後價值自屬有餘應令該撫轉飭各屬嗣後買補倉糧只照原額採買足數所有盈餘價銀據寔報明解交府庫遇有前項採買等費之時准其詳明動支仍令該撫將各屬所報盈餘銀兩併需費各數按年分晰核寔造冊報部可也乾隆三年三月初四日奉

旨依議

成案彙編

卷九 倉庫三

望

發帑購運口外米糧設廠平糶

戶部爲請

旨事查得欽奉

諭旨採買古北等口米豆雜糧運交八旗米局平糶一案今派往之員陸續運到米豆二千餘石並據該員赫赫等呈稱先帶銀六萬兩採買米糧四萬六千餘石尚可買米一萬餘石加以脚運尙不敷銀三萬兩請撥庫項派員送至以資及時採辦等語又據商人范呈稱買得雜糧二萬六千石現今運交官局小米四千餘石請領銀三萬兩再行陸續償運等語以上二處請領銀六萬兩應仍于臣部庫內存貯內務府銀兩照數給發統于事竣核銷外所有運到米豆糧石現經領交八旗米局存貯臣等恭繹原奉

諭旨係因京城米價不能平減是以發帑採買俾都門兵民得資外來之

成案彙編

卷九 倉庫三

聖

米以供養殮惟是八旗兵丁仰給

天庾均係計口授食按身關糧非如五城居民專賴糶食市米可比且查旗人平日多食老米民人平日多食雜糧今若將口外採買之糧全數領交八旗米局糶賣微論現今大檔開放兵丁尙有應領甲米可資食用切思高糧等項旗人向未食慣購買亦屬無幾若令外城居民赴內城糶糧未免地窄人稠旗民雜沓不無擁擠守候之虞臣等公全酌議所有運到黑豆一項應全數運交八旗官局糶賣以爲飼喂馬駝之用其已經領交官局高糧小米等項亦卽存貯各該米局在內城發糶外至嗣後運到雜糧俱交五城在于城外關廂收貯以待來春平糶如此則廠座旣多流通自裕庶于乏食貧民似有裨益乾隆三年十二月初四日奉

諭旨所議甚妥著照所奏行

運糧赴三姓地方平糶 種地兵丁酌賞奴僕

大學士張 等爲遵

旨議奏事給事中臺柱陳奏拉林善後事宜一摺奉

硃批軍機大臣等議奏欽此一稱歲收穀石宜酌籌糶易查拉林地方自開墾以來現在存倉新舊雜糧共八萬餘石從前調任將軍鄂 議得拉林每年賞剩銀兩于豐收之年照時購買滿洲餘糧俟買至萬石將舊穀動撥三千石運往呼蘭地方糶賣在案等語查拉林地方存倉雜糧原議動撥運往呼蘭糶賣今臺柱既稱呼蘭無須接濟而三姓地方產穀無多價值昂貴自應變通以權緩急應令該將軍會同該副都統查明存倉雜糧定在若干應否于青黃不接之時運交三姓地方糶賣酌定數目奏明辦理一稱種地滿洲宜酌賞奴僕也查拉林已到滿洲七百五十戶內原有奴僕者三百八十四戶有僱工者一百三戶其餘俱無奴僕僱工滿洲人等生長京師未諳稼穡人力既有不敷地利誠恐不盡仰懇

成案彙編

卷九 倉庫三

四

聖恩准照東省兵丁賞給奴僕之例一體于發遣人犯內賞給等語查乾隆九年八月據拉林副都統巴爾品奏請招民相助耕種經大學士鄂 等以議政原議不准招民代種若並無子弟家奴必須藉助種地之人則令就近購買民人報明該副都統記檔等因議覆在案今據該給事中奏稱移駐滿洲並無奴僕僱工者甚多請于發遣人犯內賞給奴僕等語查發遣人犯其中不安分之人居多今拉林滿洲伊始若將素不安分之人給與幫種或致滋生事端轉與旗人無益應令該將軍該副都統酌量于造犯內擇其初犯鄉愚尙知畏法者查明賞給仍不時稽察毋致滋事可也乾隆十年三月十八日奉

旨依議

米麥價貴如常平無多今社倉減糶

乾隆元年二月初一日奉

上諭聞山西地方糧價昂貴如平陽汾州蒲州等府屬米麥價值每石貴至二兩之外太原潞安澤州等府屬亦一兩五錢至一兩九錢不等小民無力者糶食維艱朕心深爲軫念茲當青黃不接之時宜籌惠濟之道查該省常平積穀無多而社倉之穀尚有二十餘萬石照例出借外其餘應酌減價值及時發糶以裕民食候秋成豐稔買補還倉該撫可嚴飭各屬悉心辦理毋許鋪戶囤積吏胥中飽俾貧民寔沾利益可諭該部卽速行文晉省欽此

賣銅餘銀買穀

戶部爲遵

旨議奏事查得陝西巡撫碩色具奏前事先經九卿議覆御史吳元安條
奏案內議令不足鼓鑄之省分悉照原收官價發賣原因各省自禁
銅以來民間黃銅漸少故將收貯官局銅觔仍照原價發賣俾黃銅
足用寔爲便民起見今陝撫碩色既稱陝省收貯銅觔照原價出賣
每觔止賣銀五六分不惟成器之價太賤卽廢銅之價亦與市價懸
殊今若將廢銅與成器同價誰不捨廢銅而爭買成器請將收貯銅
觔派委賢員經理監賣分別廢銅成器仿照市價稍爲酌減貨賣則
當此銅器久禁之後又比市價少減鋪戶必爭買廢銅以打造士民
亦爭買成器以利用除補還原動官價外餘剩銀兩據寔報解以充
地方公用等語查廢銅成器價值原屬不等若概照原價出賣則富

成案彙編

卷九

倉庫三

哭

戶奸商居奇射利囤積販賣勢所必然于民用轉無裨益應如該撫
所請將該省收貯銅觔派委賢員經營監賣分別廢銅成器照市價
酌量減少其成器止令需用居民零星購買廢銅賣給鋪戶打造貿
易仍不時嚴加查察毋許承辦官吏侵扣分毫至餘剩銀兩留充公
用之處查發賣銅觔比照市價量爲減少原以杜奸商囤積之弊並
未絲毫計利但原價每觔止給銀五六分而發賣之價較昂若遽將
餘剩歸公誠恐愚民無知疑爲賤收貴售之舉莫若將此項銀兩除
扣還原價之外所有餘剩或買補社倉穀石接濟民食抑或隨時酌
量另爲便民需用俾民間餘利仍歸于民庶爲允協應令該撫及發
賣廢銅省分之各該督撫各就本省情形將作何籌辦有益民生之
處悉心妥議具奏可也等因于乾隆二年二月二十九日奉

旨依議

停止收買營田稻米

直督李 爲奏明事切照營田稻米每到秋收之後酌量動銀十數萬兩分發採買運通以示勵勤于種稻之人使其米有去路爭相營治廣種水田之意其價較之南方轉運原不能省上年直屬營田稻米先旱後澇收成較薄經臣奏明暫行停買經部議覆奉

旨依議欽遵在案復蒙

聖恩念切民依以營田爲直屬民人永久之糧特頒

上諭溝渠滄洫堤埝圍堤隨時修葺臣隨欽遵轉行司道于農隙之時酌給口糧督率修整今春播種之時差員各處查催營治不許荒蕪并行該管道府寔力稽查辦理以期西成豐稔酌量採買仰副我

皇上

重農貴粟至意惟營治稻田多係近淀窪下易于積水之區今年夏末秋初陰雨連綿河流泛漲低窪積水營治稻田地方如壩州文安

成案彙編

卷九

倉庫三

聖

大成保定新安天津等縣雖高阜有收而水田多被淹沒平山豐潤玉田涿州房山安肅滿城定州邢台南和任縣磁州永年寧晉等十四州縣其中有成災者所種禾稻不無浸傷卽不成災窪處收成亦有淡薄其餘各屬稻米雖有出產無多若照前採買不能廣得且恐價昂臣請再照上年之例暫停採買一年其營田有米收穫者目下市價不甚平賤如有稻米卽可在集零賣于有力之家款客并寄籍南人食用而營田之農米有去路完糧用度自可無虞缺乏亦與民間有益相應奏明停止乾隆三年九月二十六日奉

硃批該部知道

買米脚價在未定程途以前照舊准銷

戶部爲遵

旨議奏事查得浙撫常 疏稱咨查各省據南昌等縣結覆李秀等買價折寔核算有減無浮再運倉脚價費用分晰水陸程途里數報銷定例在于乾隆九年春間各員採買米石係乾隆三年之事長途水脚在未定水陸程途以前按時價之低昂給發但較核同時同地有別案准銷價脚不無浮多之處仍應核寔請銷所有各員比例應減價脚并應遵部行減交倉脚費共銀一千四百一十六兩一錢六分七厘五毫現在嚴催還項寔應銷價脚銀一十一萬九千五百八十七兩五錢八分三厘四毫等語查委員李秀等赴江廣等省採買前項米石用過價值銀兩旣據該撫咨查各省取具原買地方市價無浮印結送部其所用水脚銀兩據稱係在未定水陸程途以前按時給

成案彙編

卷九 倉庫三

哭

發用過價脚仍核同時同地別案准銷價脚比例核減並將交倉脚費銀兩一併刪減應將用過價脚銀一十一萬九千五百八十七兩五錢八分二厘四毫准其開銷仍令該撫常 將核減銀一千四百一十六兩一錢六分七厘五毫在于各委員名下照數追繳歸還原項報部查核可也乾隆十年八月初九日奉

旨

給賑糶穀石運費

戶部爲請給賑糶運費以臻畫一事議得江蘇巡撫邵 疏查被災州縣應需賑糶米穀協撥一案先據江蘇布政使張渠奏請本邑鄰境俱給運費等因臣部檢查定例並無准給之案卽該撫奏稱向于存公銀內酌給之處亦係各該督撫自行酌給並未報部查上年九月內安撫趙 題報賑濟案內准給脚價係因各縣存倉穀石不敷議定省倉監米撥補其間程途轉運非本邑鄰境撥支者可比又提臣高 奏請平糶一案其所糶價銀例應赴產米各地方買運還倉脚費亦所必需是臣部議令于存公銀內給發均與鄰邑本邑撥運賑濟者不同且布政使張渠前奏內並未將協撥各屬有相距三四百里之處詳細聲明臣部難于懸定是以未經議給今該撫邵 既經查明協撥之州縣有相距三四百里者所需脚費照例一體准予

存公耗羨項下核給報銷等語應如所請將協撥被災州縣穀石應需運費酌量在于存公耗羨銀內撥給造入年底送部冊內報銷仍將經運程途遠近并作何酌給之處分晰報部查核可也乾隆二年四月十一日奉

旨依議

代父完帑分限十年案

雲督鄂 爲請

旨事着得佟國韶虧空銀兩一案接准部咨令臣問明佟世蔭將伊父所虧空銀兩任內作何賠補具題到日再議等因臣卽轉行查問去後茲據布政司張 詳稱行據佟世蔭詳覆世蔭初任通判陞任同知服官十有餘載俱飲水茹蘗黽勉自勵在滇省歷年遵奉差委儘力行走今生父虧空案內無著落銀至五萬九千二百四十六兩有零爲數甚多又無家產可變寔難一時彌補求

聖恩賞作十年完補或得竭力措貸完公等情前來臣覆查無異可否准其分限十年完補應請

勅部議覆雍正六年 月內奉

旨佟世蔭賠補爾父虧空銀兩著照該督所請分限十年完補該部知道

軍需虧空查奏

戶部爲遵

旨議奏事總理事務和碩莊親王等奏稱乾隆元年六月初六日奉
上諭自雍正五年有事於準噶爾以來凡大臣官員以及兵丁俱各黽勉
行間効力數年今大兵旣撤軍務已定此內有建著勤勞及黽勉効力
公務者除已經蒙恩人員外有應再加恩典者著總理事務王大臣查
明將作何分別加恩之處議奏再此次各處辦理軍需虧空案件向因
正在辦理軍需之際不得不嚴故概行著追但此內情節輕重不同其
情節原重應行追賠者仍令追賠外其情有可原應行寬免者著總理
事務王大臣亦行查明分別詳議具奏欽此臣等查得雍正五年軍興
以來軍需虧空各案雖非平常虧空可比但各案內或有情罪尚輕
不得已而那移以致虧空者亦因有核減將浮用著賠者辦理檔案
俱在各該部中必須分晰次數核對情節始可定議臣等請會同該
部查明公同定議請

成案彙編

卷九 倉庫三


五

旨具奏等因乾隆元年六月十三日奉

旨知道了欽此查此次派往西北兩路出征用過錢糧等項各處尙未全
行奏銷是以出征官兵并地方承辦官員應追銀兩有已經催追者
有尙未行追者有已經完納未曾報部者有現在行查尙未分晰著
追者若不行查究難確寔相應行文直省督撫凡有此次派往西北
兩路出征官兵并承辦官員應追軍需銀兩逐細確查詳開銀數敘
明情節造冊送部照例扣限四個月造送以憑會同總理事務王大
臣核議可也

乾隆元年七月十四日刑部咨前事查雍正五年軍興以來軍需虧
空各案必須分晰次數核對情節始無舛錯今兩路大將軍及該督

撫所參虧空案件或有送部究追者或有
欽差並督撫審題者其情罪尙輕不得已而那移以及核減著賠之項惟
在各承辦處查閱原案內始末情由方無遺漏本部難以徹底清查
應行文定邊左副將軍鎮安將軍及陝督蘭撫陝撫寧夏西安將軍
凡一應虧空軍需各案于文到日照例扣限四個月逐一查明前項
情節聲明次數造具清冊送部以便公同定議併將送部究追各員
開明何司案呈亦另造簡明冊籍送部查核可也乾隆元年八月十
八日福撫准咨



豁免甘肅雍正六年以前軍需欠案
乾隆七年六月二十五日內閣抄出奉

上諭朕臨御天下期于政簡刑清近來內外各衙門俱無久而未結之案
惟有甘肅一省從前屢次軍需前後約四十餘年凡供億軍費大端俱
已核算奏銷完結惟其中部駁清查核減各款尙有未楚者卽如寧夏
則有康熙三十年至三十八年供應進勦大兵及駐劄滿漢官兵喇嘛
等案肅州一路則有康熙五十四年至雍正四年辦過大軍需各案又
有康熙五十四年至雍正十三年供支出口人員馬駝鍋帳食物等案
西寧一路則有康熙五十四年至雍正六年辦過軍需各案又有康熙
五十四年至雍正十三年供支出口人員馬駝鍋帳食物等案又有雍
正元年剿撫西海用過錢糧等案陝甘二提涼寧肅三鎮則有康熙五
十四年至雍正元年拴養馬駝各案以上諸件事歷多年官經數易往
返駁詰不但案牘紛繁地方滋擾且使已故之員累及子孫現任之員
代人受罰朕心有所不忍用是大沛恩膏將康熙三十年至雍正六年
以前未清之項悉予豁除免其究問著追至雍正六年以後之案爲時
未遠尙易清查著總督尹繼善巡撫黃廷桂遴選賢員于一年限內秉
公確查將其中應免不應免者一一分別造具清冊該督撫具本保題
到日再降諭旨該部可卽行文該督撫知之欽此

查奏因公那移各案

刑部爲欽奉

上諭事乾隆二年七月初七日內閣抄出奉

上諭從前侵貪那移應追之項已于恩詔內令查果家產盡絕力不能完者概與豁免今朕思侵貪皆係入已贓私罪無可逭至于那移之項或因公事緊急不得不爲通融或移此就彼爲一時權宜之計夫錢糧各有款項豈容任意那移在那移之人雖法無可貸而較之侵貪之人稍有不同情尙可原着該部查明雍正十三年九月以前那移各案所有家產除已經交官及變價外其有已報未估并估報而尙未變交者分別情節查明實係因公確有憑據者具題請旨欽此欽遵于本月十一日抄出到部通傳各司行文各該旗省將雍正十三年九月以前那移各案查明所有家產除已經交官及變價外其有已報未估并估

成案彙編

卷九 倉庫三

五

報而尙未變交者欽遵

上諭分別情節查明實係因公確有憑據者如係本部行追之案作速造具清冊咨送本部查核彙題請

旨其係戶部行追之案查照戶部原咨造送戶部辦理均毋舛漏遲延可也

官員家人侵蝕糧價照詐欺擬罪案

刑部爲特叅苛派等事會議得青縣叅革知縣田種玉苛派濫刑庇役縱寬一案據直督孫 疏稱田種玉除失察家人侵蝕糧價違例責打老人併告狀不卽審理應申不申各輕罪不議外將田種玉照縱役犯贓例革職已于本案革職毋庸議家人祝枚等分別擬杖等因具題前來查該督疏稱田種玉復設單頭以致田懷亮等私自派收食米漫無約束及至田懷亮與孫士明爭毆控告又不深究顯係故爲寬縱應照衙役犯贓本官知情故縱者照縱役犯贓例革職已于本案革職應毋庸議等語應毋庸議家人祝枚與龔順朋侵探買高糧價銀祝枚得銀三十五兩應照詐欺官私財物計贓准竊盜贓三十兩律應杖九十折責三十五板免刺龔順緝獲另結經承張自立收受單頭公費銀十兩牛世茂收銀七兩冊書吳廷幹收銀六兩

成案彙編

卷九

倉庫三

五五

旨依議

櫃書劉文祥田奇林董廷業潘立祥共得銀十一兩四錢又小制錢五百文均應照官吏求索准不枉法論各主者折半科罪計贓一兩之上至一十兩杖七十無祿人減一等律應杖六十各折責二十板仍俱革役乾隆五年 月內奉

燒燬流水串根失察役侵案

戶部爲捏造民欠事會議得福撫常 疏稱凡有民欠務查歷年流水串根及折封紅簿逐條查對若無流水等項卽係官侵役欺茲據新補漳浦縣知縣于翰翊詳稱查交盤冊開歷年民欠共銀一千八百五十五兩零查無流水串根紅簿嚴訊經承楊元等僉供係前令汪紳文燒燬接任郭以治署任馮紹立俱朦朧接受等語又據署閩縣事福寧州州同李芬稟報各役侵收銀八十九兩零係前任于翰翊任內又各役侵收銀七百二十六兩零係前任于沛任內侵收之衙役係方謹鄭玉等各等情查侵收錢糧捏開民欠罪惡難寬所當特疏糾叅等因前來查錢糧收納全憑流水串根紅簿核算乃知縣汪紳文竟行燒燬希圖侵蝕不法已極應將汪紳文革職提問查汪紳文已經別案革職其革職之處仍行註冊郭以治已經別案革職

無庸解任外應將朦朧接受之馮紹立解任質審查定例州縣侵欺等情道府等官未行查出者降一級調用等語應將失察燒燬流水等項之知府李秉衡耿 汪亮卿均照例各降一級調用查李秉衡等俱經別案革職其降調之處仍行註冊應將失察役侵之于翰翊于沛劉弘略均行解任應令該督將燒燬流水等項之汪紳文與案有名蠹役作速審明追擬具題至役侵銀兩着落各役名下勒限一月追補全完倘各役力不能完卽着落失察之于翰翊等各名勒限賠補如逾限未完叅革究追如果依限全完該撫給咨赴部另行補用可也雍正六年六月內奉

侵尅工食又復行賄卽內陞仍題叅提問

戶部爲題叅事會議得川撫憲 疏稱先經打箭爐監督明德咨稱前署監督事陞任瀘州知州趙世熙移文冊內支過各役工食共銀五百六十九兩零因無各役領收難以報銷隨查問各役實在共給過工食銀二百九十一兩零與所交冊內浮開課銀二百七十八兩零卽移查給少開多情由去後嗣准趙世熙始將各領移送當經復訊役內有取過滿領而未補發者亦有未具領紙之人有領狀而數目不符者事關錢糧不便聽其尅銷自蹈失察之咎已取具各役供狀咨明在案今忽又差家人劉三持銀一百兩至爐賄賂改供希掩前愆事關侵欺役食不便徇情隱諱理合咨明等因到臣復檄布政司確查去後今據布政司高 查明揭叅前來臣查該州趙世熙已陞工部營繕司員外郎奉

成案彙編

卷九 倉庫三

五

旨判令署理打箭爐稅務又因未經交代清楚尙未赴部今于署監督任內侵尅工食銀兩自應如數追還各役該員亦應議擬但旣經陞任未便留川追擬理合題叅候

旨遵行臣謹會同署陝督查 合詞具題等因前來查定例各項錢糧係官沒者照貪贓例革職提問仍行追贓等語應將侵扣工食銀兩之原署監督事瀘州知州今陞工部營繕司員外郎趙世熙照例革職行令該撫提問再查該員旣被查出侵尅工食情由自應聽候查議何得復差家人持銀行賄銀兩照數入官其侵扣工食銀兩于該員名下追還可也謹題雍正八年 月內奉

旨依議

冒銷老婦銀兩先侵後吐案

刑部爲據詳題叅事會看得金壇縣革職知縣王廷枚冒銷老婦絹布米折銀兩一案據蘓撫尹 疏稱緣雍正元年欽奉

恩詔賞賚老婦該縣知縣嚴接共冊報老婦三千五百二名內經承王誠與同役趙世興担報一千三百九十六名欲圖侵冒嚴接失于覺察王廷枚接任請領米折價銀布絹送與司書曾依仁銀六十四兩及領銀兩布絹回縣王廷枚令老婦親身赴縣當堂具領王誠等冒開之數未能侵冒實給過老婦一千六百六名未給一千七百七十七名計米折布絹價銀二千二十九兩三錢零王廷枚因漕糧征比不前那用嗣經行查冒銷王廷枚又先經另案被叅丁憂回籍在途未聞自首

恩旨不及首報歷審不爽查老婦冊籍雖係知縣嚴接任內被經承朦蔽

成案彙編

卷九 倉庫三

妻

捏混造報但王廷枚經手放給既有餘剩卽應詳報乃竟乘機隱匿雖供那墊漕糧經現任知縣查明實有民欠寃難免先侵後那之罪將王廷枚擬斬監候王誠等擬以徒杖等因前來據此應如該撫所題王廷枚令依侵盜錢糧一千兩以上斬監候例擬斬監候秋後處決其冒銷老婦一千七百七十七名計布絹米折銀二千二十九兩三錢零應令該撫于王廷枚名下勒限催追還項其冒銷數內現在有人未經給發者一百七十八名共應賞賚銀一百五十三兩七錢六分零亦令該撫于王廷枚名下銀數內追出補給經承王誠合依詐死避事杖一百徒三年律應徒三年趙世興聽從王誠捏報應照知而聽行與全罪律亦應徒三年至配所各折責四十板該撫既稱司書曾依仁應依在官人役取有事人財不在法贓六十兩無祿人減一等杖六十徒一年但贓已通完照例免罪等語應將曾依仁照

例免罪雍正九年七月初九日奉

旨王廷枚依擬應斬着監候秋後處決其因失察降調之委署知縣嚴接
着詢問該督撫若係才具可用之員着奏聞仍留本省酌量委用如
辦事平常送部請旨餘依議



因公冒支故退兵丁曠餉照那移擬徒完贓開復案

兵部爲據咨題叅事議得山東巡撫朱 題叅革充鎮右營守備葉廷芳那用退故兵丁曠餉銀兩一案查雍正二年閏四月十二日奉上諭因公那移之項依限全完定例准其開復嗣後督撫題報全完卽給咨本官令其隨本引見朕觀其人可用者卽用如不可用以原品休致其年老不願補官之人亦于本內聲明給還原職不必來京欽遵在案葉廷芳係原任兗州鎮標右營守備先經原任山東巡撫臣法敏以該員將退兵不行開報冒支兵餉題叅革職審擬續經原護理山東巡撫布政使黃 審題葉廷芳扣存辭退病故兵丁糧米銀兩實係製造旗纛那作公用未經入已依例擬雜犯流總徒等因具題經刑部議葉廷芳合依那移數止千百兩者擬雜犯流總徒四年例應徒四年至配所杖一百折責四十板但已于本案革職所擬徒杖

成案彙編

卷九 倉庫三

本

應照例折贖俱免其那用退故兵糧銀七十四兩六錢八分零于葉廷芳名下勒追等因題覆今該撫疏稱葉廷芳應追那用糧銀係製造旗纛事屬因公業于限內全完與開復之例相符相應題請開復給咨送部引

見等語應俟該員到部臣部帶領引

見應否准其開復之處恭候

欽定乾隆五年 月內奉

旨依議

城綏用兵各營捏報買馬及冒支草料各官概免處分

乾隆六年二月十日奉

上諭湖南巡撫許容奏乾隆元年兵部議准武職親丁馬匹俱准備價存管遇有需用馬匹之時即將所存馬匹銀兩購買備用今臣于五年八月抵任本標因城綏用兵呈報購買親丁馬匹日期查五六月間各營皆已報買因查乾隆二年擒勦蒲寅山亦是城綏用兵並未買備親丁馬匹此番何以復行購買細加訪察乃知各武職俱屬虛報且有銀兩存管未領而已報沿途買就希支草料者臣既查明並無馬匹隨營喂養豈便聽其朦混捏冒以肥私橐且今日報買迨至凱旋非捏報倒斃卽捏報疲瘦不堪又可再請帑項存管此事勢之必然者臣不敢扶同欺飾理合據實奏聞等語朕思捏報買馬固干例議但官員衆多又在軍前出力今軍務已竣應從寬完結着傳諭湖廣督撫查明城綏用

成案彙編

卷九

倉庫三

空

兵以來各營捏報買馬若干及冒支行營料草若干俱照數追還外一概免其處分其該管上司濫行批准者亦免其議處欽此

侵扣兵餉單揀馬糧扣補親丁照冒支軍糧治罪案

刑部爲欽奉

上諭事會看得草職提督丁士傑圖利管私扣尅兵餉多佔空糧派累營伍一案據福建總督高 疏稱丁士傑復舊額親丁名糧單揀馬糧一款訊據丁士傑供稱提督衙門原有親丁糧八十分前任提督吳陞止留四十分其餘四十分題發各營考驗頂補丁士傑到任以養廉不足摺奏請復奉

旨俞允丁士傑陸續扣補二十分俱係各營開報緣事有案無子弟承頂者收補並無尋事借草情弊等語查據提標五營摺開丁士傑自雍正四年十月到任起至雍正六年正月離任止事故兵丁不令開報俱壓留至四五個月或二三個月始發給各營計共壓留馬兵十名步兵一十九名通共扣收銀三百二十五兩二錢七分零米六十八

成案彙編

卷九 倉庫三

空

石八斗二升照管例每石九錢該銀六十一兩九錢三分合計銀三百八十七兩二錢零而丁士傑始終以應得八十名親丁扣抵爲詞無論既留爲親丁卽應明白扣存何得壓至數月之後又行發出給營輾轉閃爍顯係巧行影射侵扣且細查管單丁士傑到任後扣補八十八名已額外多扣八分此外凡有事故兵丁俱令與提標五營一例開報將各兵空缺糧餉按日彙繳自雍正四年十月起至雍正六年正月止共繳餉銀一百六兩六錢七分零卽書辦王紹源楊忠施恩等亦供認不諱是丁士傑于本標之外外管復扣空糧侵壓顯然再丁士傑于二十名親丁糧內扣馬糧十八分步糧二分但查營單丁士傑又以原存四十名內之步糧換兌馬糧二分是二十名全係馬糧其單揀馬糧是實將丁士傑擬照監守自盜律准徒五年不准折贖等因前來查丁士傑蒙

皇上隆恩擢任提督理應潔已奉公整飭營伍竭誠報効乃敢侵扣糧餉
單揀馬糧扣補親丁又復縱兵抗糧種種不法負

恩實甚丁士傑不應如該督所題照監守自盜律擬徒應將丁士傑改照
管軍官吏冒支軍糧入已計贓准竊盜論免刺杖一百流三千里律
應僉妻流三千里至配所杖一百折責四十板其名下侵扣銀四百
九十三兩八錢零將伊家產變價入官繳送空糧銀兩之王紹源施
恩許元白俱照不應重律各杖八十革役等因乾隆七年三月初九
日奉

旨丁士傑從寬免其僉流杖責着調來京交與車騎營在千把總內効力
贖罪餘依議

給發錢糧禁剋扣

江南道御史沈廷芳爲敬陳管見仰祈

睿鑒事恭照乾隆丙寅年錢糧荷蒙

皇上特沛殊恩分作三年通行蠲免普天共慶率土均沾伏查蠲免省分凡州縣之祭祀牲牲驛站草料孤貧養贍以及廩給役食等項多則數千金少則數百金均須赴藩庫請領轉給而胥吏緣此爲奸守候需索每多加剋短給之弊州縣領銀既有短給分發之時勢必照數短給層層剋削其累仍不在官則在民伏乞

皇上勅下直省督撫轉飭藩司凡應給各屬銀兩必及時給發不得絲毫扣剋并嚴禁胥吏勒索留難各州縣有別項庫貯應解之銀許其卽行借出具批抵兌以省往返脚費則州縣不能藉口短給無累小民是亦推廣

成案彙編

卷九 倉庫三

六

皇仁之一端也乾隆十年十一月十九日奉
硃批着照所請行該部知道

運使重耗庫官不阻不揭與本犯同罪正犯身死聽減二等案
刑部會議叅草原任鹽運使告休病故王國英私收重耗贖貨網利
一案據

疏稱查王國英那墊加收扣尅雖據庫吏蔡昌供
明庫大使並無分肥情弊但該大使係專司出入之員並不力稟阻
止實屬不應應將廣盈庫大使李于益署庫事病故大使洪湜職名
開報聽候部議等因查定例藩司鹽道有侵用那移抑勒庫官者該
庫官徑行揭報其或通同隱匿事發一體治罪等語今該大使等既
係專司出入之員乃一任運使王國英加收平頭扣尅水脚並不力
行稟阻又不照例揭報明係通仝隱匿不便照不應律議處洪湜已
經病故無庸議應將原任廣盈庫大使今補甘肅平羅縣知縣李于
益照例革職依倉庫官吏知侵盜錢糧匿而不舉者與犯人仝罪至
死減一等杖一百流三千里仍照因人連累正犯身死連累聽減本

成案彙編

卷九 倉庫三

五

罪二等律杖九十徒二年半李于益並無分肥情事應照例納贖乾
隆八年九月二十一日奉

旨依議

邊營貯糧接濟案

大學士鄂 等爲遵

旨議奏事甘肅巡撫黃 奏稱西寧口外日月之西南地名阿拉庫托距丹噶爾六十餘里乃商民往來總要之區亦賊番出沒經由之所築堡設守備一員把總一員馬步兵二百名專司巡緝惟是其地孤懸口外氣候寒冷不能耕獲又係新設之地無糧可撥官兵赴支例係折色商販稀少兵丁謀食爲艱查籌畫軍糈事案內經前撫臣許以大通鎮及丹噶爾白塔永安三營俱係新設地方兵丁稀少奏准貯大通米三千石分貯卽令營員就近收管每年四五月間存二出一借給兵食米秋後在于米餉銀內照依糧價扣銀糴買還倉于兵丁甚屬有益所有阿拉庫托兵丁可否仰邀

聖慈一視同仁撥運糧五百石運送脚價照乾隆八年夷使茶案內運送

成案彙編

卷九 倉庫三

奏

米麵至丹噶爾之例每百里給銀二錢三分三厘請于司庫領發再查該營並無水磨請將此項糧石卽運送丹噶爾城內交該營叅將收貯每于青黃不接之時令阿拉庫托守備詳請借給各兵就兵磨麵駝回以資接濟等語查阿拉庫托地方該撫黃 旣稱地難耕種商販稀少兵丁例支折色覓食維艱現今附近之大通鎮丹噶爾白塔永安等營員俱送大通米石分貯以資接濟應照例撥貯等語應如所請阿拉庫托兵丁准照大通等處之例卽于西寧縣採買備貯糧內撥運稞豆五百石交給營員收管每年存二出一借給兵丁秋後扣銀買補還倉其運送脚價及在丹噶爾就近磨麵駝回應用之處悉照黃 所奏辦理仍嚴飭該營及時給發買補毋得侵扣虧折可也乾隆九年七月十九日奉

旨依議

豫省貯穀撥濟直隸 豫省酌議將應輸粟米改徵黑豆運京搭
放旗兵 歉歲米貴兵艱酌量借穀

大學士鄂 張 奏擬署兵部侍郎雅 摺奏備荒事宜奉

旨大學士鄂 張 速議具奏欽此

一稱豫東二省可望二麥豐收臣前在豫省奏明買麥十萬石以備直
東二省之用現俱易穀收貯不下十四五萬石此項穀石儘可撥運
天津以資賑糶至山東與河間接壤或有可撥之倉儲或于麥熟買
麥均于四五月內陸續運至直隸天津河間二府之民食大半有備
等語查豫省既有雅 奏買之麥現在易穀存貯而彰德衛輝等處
水路可通直隸應如所奏行令河撫卽將此項穀石運交直督收存
備用至東省二麥豐收尙在未定其有無倉儲可撥及麥熟後可否
購買運送直省之處行令東撫確查現在情形如果可撥卽行撥運

成案彙編

卷九 倉庫三

七

直省應用

一稱豫省產豆甚多粟米之價常貴于黑豆八旂支領粟米多不自食
賤價出售而貴價以糶黑豆是豫省貴價之米運至京中兵丁不得
實惠八旗必需之豆豫民求納而不可得查豫省漕糧二十二萬餘
石除前已收徵黑豆七萬石外其餘一十五萬餘石應請一併改徵
黑豆運京搭放兵餉等語查京師黑豆價昂豫省之民若果樂於輸
納黑豆誠爲兵民兩便應令河撫確查如果可行卽行題請改徵
一稱荒歉之年米貴兵艱應令提鎮咨明督撫酌量借給米穀定限扣
還等語查兵民原係一體民間旣須借給兵丁自不應岐視嗣後如
遇歉歲應如所奏令該提鎮等商全督撫酌量借給米穀定限扣還
報部存案可也乾隆九年三月二十八日奉

硃批依議速行

保定駐防米貴之年動撥北倉存米

戶部爲奉遵堂諭事查得署直督唐 以保定米貴駐防兵米請于北倉內動撥一疏查保定駐防兵丁歲需米石向係遵照題定價值每石折銀一兩令所屬州縣採買散給今雍正九年秋冬二季兵米該署督既稱夏間雨澤稍遲米價昂貴若照時價奏請增給採買不無糜費 國帑且恐有妨民食查天津北倉海運米十萬石內除支給水師營并應扣遞減米外尙存米六萬餘石將保定駐防兵米五千七百八十石五斗在于此項米內動撥將原估價銀五千七百八十兩五錢扣存解部嗣後每于米貴之年將駐防兵米卽于此項米內動撥等語應如所請將保定駐防秋冬二季兵米在于北倉實存米六萬餘石之內照數動撥仍將用過米石造冊送部查核其原估米價銀五千七百八十兩五錢應令造入季報冊內報部候文撥用

成案彙編

卷九 倉庫三

矣

再查駐防兵米嗣後如遇米貴之年需用此項存貯米石仍令另行題請撥給可也雍正九年

各省道府庫貯急需銀兩酌量分併

戶部爲酌併分貯銀兩事查得各省分貯銀兩有因軍需動用者亦有始終未經動用者若不隨時酌宜或久貯不加察核恐日後漸啓侵虧于急切需用時轉多貽悞應行令各該督撫酌量地方情形是否仍應分貯抑或歸并司庫酌留項下備用之處悉心妥議報部等因具奏奉

硃批依議欽此欽遵行文各省去後茲據各省陸續咨覆到部臣等按照各該督撫咨請分別定議謹將各款開列于後山東省原撥分貯銀一十五萬兩據該撫咨稱前項銀兩應歸入酌留項下另匣封貯等語臣部以歸入酌留銀兩未便另行封貯行令遵照酌留原奏辦理浙江湖南廣東三省原撥分貯銀各一十萬兩福建省原撥分貯銀二十萬兩以上四省或係邊省海疆或係衝繁孔道據各該撫咨稱仍應分貯各府州庫等語應令轉飭各屬加意收貯以備應用

成案彙編

卷九 倉庫三

九

河南省原撥分貯銀一十五萬兩該撫咨稱仍應分貯銀二萬兩其一十三萬兩歸入司庫 山西省原撥分貯銀一十五萬兩該撫咨稱仍應分貯銀四萬兩其一十一萬兩歸入司庫 陝西省原撥分貯銀三十萬兩該撫咨稱仍應分貯銀一十萬兩其二十萬兩歸入司庫 甘肅省原撥分貯銀三十萬兩該撫咨稱仍應分貯銀二十萬兩其八萬兩歸入司庫 江西省原撥分貯銀一十萬兩該撫咨稱仍應分貯銀三萬兩其七萬兩歸入司庫 湖北省原撥分貯銀一十萬兩該撫咨稱仍應分貯銀五萬兩其五萬兩歸入司庫 四川省原撥分貯銀三十萬兩該撫咨稱仍應分貯銀二十萬七千兩其九萬三千兩歸入司庫 貴州省原撥分貯銀二十萬兩該撫咨稱仍應分貯銀三萬六千兩其一十六萬四千兩歸入司庫等語

以上八省現據各該撫將分貯銀兩嚴飭加謹收貯以備應用其提
回司庫銀兩俱歸酌留項下照例分貯如有需用之處題明動用
安慶省原撥分貯銀一十萬兩該撫咨稱仍應分貯銀五萬兩其五
萬兩收貯司庫以備近省各府州縣急切之用 蘇州省原撥分貯
銀一十萬兩該撫咨稱仍應分貯府庫銀二萬兩道庫運司庫銀六
萬兩收貯司庫銀二萬兩 廣西省原撥分貯銀一十五萬兩該撫
咨稱仍應分貯銀六萬六千兩其八萬四千兩歸貯司庫 雲南省
原撥分貯銀二十萬兩該撫咨稱仍應分貯各庫一萬八千兩其餘
存司庫銀八萬八千兩存迤西道庫銀九萬四千兩等語以上四省
除應行分貯銀兩照數分貯各府庫備用其餘銀兩自應俱歸司庫
酌留項下未便存貯道庫亦未便于司庫內另立分貯一項應令該
撫遵照辦理 直隸省原撥分貯銀一十五萬兩該督咨稱仍應分

貯銀一十一萬兩其四萬兩提回司庫等語除仍應分貯銀一十一
萬兩照數分貯外至提回司庫銀兩查直隸附近 京畿向無酌留
應將前項提回銀四萬兩造入季冊候撥再查前項分貯銀兩原以
備各州縣急切公務之用今各省內多有借支動用未經歸款者應
行令各該督撫即將未補銀兩作速補足歸款報部查核于每年底
遵照原奏另造清冊送部稽查仍不時盤察如有虛冒開銷及侵那
虧空等弊卽行題叅可也乾隆三年十二月初八日奉

旨依議

撥給賑卹鈔票

戶部爲撥協銀兩事伏查本年十一月二十四日寧夏地動上塵

聖懷

特遣大臣前往查勘動用蘭州庫貯銀二十萬兩賑恤被災兵民

恩至優渥惟是甘省地處邊遠額征無幾其歲需兵餉以及庫貯備用銀兩俱係隣省協濟今遇偏災一應賑恤兵民并修理城垣不無需費若必待題請撥用恐致有稽時日臣等酌議請于河南省乾隆三年地丁下剩銀內協撥銀四十萬兩行令河南巡撫尹會一作速委員解赴甘省以二十萬兩補還庫貯其餘二十萬兩存貯司庫以備各項應用庶緩急有賴而于一切公事不致貽誤矣乾隆三年十二月二十四日奉

旨依議

成案彙編

卷九 倉庫三

七

詣陵經過地方有妨民田內庫賞給銀兩

乾隆三年七月三十日奉

上諭朕于八月十九日親詣

泰陵行禮當此禾苗在地之時嚮導官員平治營盤基地不必太早可于啓行之先數日前往所有駐蹕之地不過畧加收拾止令潔淨毋庸過爲修整其有妨民地田禾之處前已降旨賞給價值卽着該督李衛確估會同嚮導統領照數給發其所需銀兩在內庫支領不必動地方錢糧
欽此



八旗甲米因價昂改期早放

乾隆八年十二月初十日奉

上諭京師米價昂貴現在平糶尙恐未能驟減明年八旗春季甲米向於
二月給放者着改於正月初十日放起欽此

成案彙編

卷九 倉庫三

七



盛京以制錢搭放兵餉

戶部爲遵

古事議得盛京戶部侍郎雙喜奏稱黑龍江每年領餉約計大制錢二千餘串旗犯燈油錢文一百五十餘串奉天牛馬稅徵解錢文儘足敷用各城徵收雜稅錢文一年可得大制錢一千一百餘串並無應用之處如久貯庫內則市價必致高昂奉天城每一季兵餉約需銀十萬兩每百兩以大制錢一串作銀一兩搭放兵餉等語臣等伏查黑龍江兵餉搭放錢文先于雍正十一年四月內原任將軍卓爾海以黑龍江地處邊末買賣人等無專帶錢文貿易兵民購買零星物件雖稍得易錢而價值高昂錢文短少不敷轉移奏請將該處兵餉照京城之例以一千文大制錢作銀一兩每萬兩賞給一百兩之錢文等因經辦理軍機大臣議覆准行在案今

成案彙編

卷九

倉庫三

七

盛京各城所收稅課年可得錢一千一百餘串既無需用之處自應與黑龍江一體搭放錢文以濟兵民應如所奏行令該侍郎將各城所解稅課錢文每年于支放奉天城春季兵餉時准照黑龍江之例每百兩內以大制錢一串作銀一兩搭放餘剩錢文留作次年搭放兵餉之用仍將放過錢文數目按年造入奏銷冊內具題查核可也乾隆十年八月初九日奉

旨依議

兵餉加搭錢文以平錢價

大學士張 等奏爲遵

旨議奏事乾隆十年四月二十四日奉

旨近日京師錢價又覺昂貴若五月支領兵餉搭放三成則民間流布之錢較前寬裕于閭閻日用有益着大學士張廷玉協辦大學士納親戶部尚書海望侍郎傅恒會同速議奏欽此仰見我

皇上睿慮周詳念切兵民之至意臣等查得五月分兵餉錢文已經戶部奏准以一成搭放需錢三萬七千餘串今再添二成于加鑄卯錢內動用錢七萬四千餘串共需錢十一萬一千餘串流布民間誠爲寬裕應欽遵

諭旨將五月分兵餉錢文以三成搭放再查每月兵餉銀兩并搭放錢文向來俱于初二等日一同放給今若將三成錢文仍照舊一同搭

成案彙編

卷九 倉庫三

三

放在初放之時錢文固屬充裕而兵丁十數日用完之後恐不能接續濟用臣等公全酌議請將五月分兵餉錢文于初二等日放銀七成搭放錢文二成俟十六七等日補放錢文一成共三成庶兵丁陸續得錢應用則一月之內錢文時見流布庶錢價不致昂貴更于兵民有益其六月以後兵餉錢文應如何搭放之處俟臨期再行核明奏請搭放可也乾隆十年四月二十六日奉

硃批依議速行

征剿贍對撥解餉銀

戶部為恭請撥解餉銀以濟軍需事查得四川布政使李 奏撥餉銀等因一摺奉

硃批該部密議具奏欽此查先于乾隆十年三月內據四川布政使李以川省打箭爐口內雅州府屬之雅安榮經清溪等縣為西藏孔路地處邊陲上年九月內打箭爐口外復有瞻對夷人搶掠回汛官兵一事揆其情形似非大加懲創無以震懾愚頑而一切軍儲兵米不可不預為籌辦奏請將乾隆八年川省接濟楚省動支監穀解貯川庫價銀分撥打箭爐之雅安等縣照應貯監穀不敷額數并酌量加額買穀貯倉設或瞻對冥頑不悟勢必揚威震旅即自雅安等縣碾辦軍米運供較為便捷等因覆准奉

硃批依議速行欽遵在案查瞻對賊番搶劫不法該省督撫既議用兵懲

成案彙編

卷九 倉庫三

三

創所有應用糧餉原屬緊要應如所奏將雅州府存貯軍米二千九百餘石准其先運打箭爐倉備用并于附近通水次之嘉定府眉州等處倉儲酌量碾米接濟其應用炒麩一項該布政使既稱會全建昌道逐一籌議辦理應令該撫紀 飭令公全妥議辦理毋致遲悞兵食至應用軍需銀兩該省司庫內既止存銀一十八萬六千餘兩恐將來不敷動用議預撥銀五十萬兩亦應如所奏准其照數撥給合在于安慶等省奏撥留協銀內共撥給銀五十萬兩行令各該撫限文到日作速委員解赴川省衙門交納其解到銀兩除動用外如有餘剩川撫紀 即于次年估計兵餉案內聲明扣抵應撥銀兩未曾解到之先倘有需用之處准于該省酌留封貯并酌分貯銀兩照例借支俟協餉到日照數歸補乾隆十年五月初三日奉

旨依議

加賞軍前兵丁

雍正十三年九月初七日抄奉

旨出征兵丁勞苦効力甚屬可憫現在軍營之滿州蒙古漢軍兵丁已各賞伊家一月錢糧外着于軍營再加恩賞一月錢糧其在軍營之綠旗兵丁亦加恩賞給一月錢糧欽此

賞給出師兵丁寒衣銀兩

雍正十三年十月初十日奉

旨黔省苗疆用兵日久今天氣寒冷兵丁等効力勤苦着將黔省派調及雲南湖廣廣東廣西四川等省協勦應援之兵俱各賞給一月餉銀以爲製備寒衣之用欽此

成案彙編

卷九 倉庫三

六

進剿瞻對土兵加給賞銀坐糧牛羊

乾隆十年五月十三日奉

上諭向來各省土兵派往征勦者止于起程時賞銀三兩並無養膳家口之例雍正八年進剿瞻對蒙

皇考恩旨于常例賞銀三兩之外賞銀二兩并令其家口照守兵坐糧之例每月給銀九錢米三斗所以示優恤也此次進剿瞻對所派土兵着照雍正八年之例一體賞給再從前進剿瞻對漢土兵丁有賞給牛羊之處此次亦着照例賞給務令均沾實惠以副朕鼓勵戎行之意該部卽行文該督撫提鎮知之欽此

江省候補守備之年滿千總取給步糧仍于額兵內支給
兵部爲欽奉

上諭事議覆江督尹 奏稱分發候補守備人員賞給步糧一分于建曠銀米內支給等語查江省分發候補守備人員自乾隆元年至今除甄別之外現在止有二十九員而步守額兵糧缺共有四萬四千四百餘名卽各省分發候補者亦止三百餘員統計步守額兵糧缺共有三十四萬二千二百餘名于數十萬額兵之內扣除步糧三百餘名是于一千餘名兵額之內扣給一缺爲數甚屬有限亦並無差搽不敷之虞況此項人員于乾隆三年五月內定有三年甄別去留之例又于乾隆十年四月內經臣部奏准有題缺之省分遇有題缺守備缺出于四缺之中以三缺歸候補之員題補而臣部雙單月又有伊等銓選之班是該員等旣得次第疏通自日漸減少此後卽有續

發之員諒不致積聚太多更無過佔額兵之慮至建曠銀兩係官兵俸餉遇有小建及事故開缺住支扣存之項原以預備該年各營公項費用并各員弁補支俸薪以及候補署事之員支食俸薪倒馬乾銀等用如有餘剩仍留次年撥餉其動支之款各有多寡旣難預定而每歲扣存建曠數目各省盈縮亦屬不齊今若令分發候補之員賞給步糧亦于此內支食恐將來他省標營建曠不敷又另請別項動用必致辦理不能畫一更屬未便應將該督所請分發候補之員賞給步糧于建曠銀米內動支之處毋庸議乾隆十年十月二十八

日奉

硃批依議

福建旗兵賞號未准部覆擅行動給 特旨免追案

戶部爲遵

旨議奏事覆福建巡撫周 奏福建駐省旗管甲兵每歲會撥賞號銀兩等因一摺查閩省督撫將軍等會撥官兵動用賞號銀一千兩經原任閩浙總督郝 于雍正十一年奏明裁革嗣據該撫于乾隆五年酌定耗羨章程案內請將賞兵銀兩仍在存公項下動支臣部查係奏裁之項行令照數刪除在案續于乾隆八年十二月據該巡撫周以賞號銀兩實難裁減奏請在于寺租穀價銀內支給報銷奉

硃批着照所請行該部知道欽此在案今該撫奏稱乾隆五年前督德行司另解銀一千兩以備賞號因赴浙未及閱撥未經動用至乾隆六年冬季督臣策 等始將五年另解銀兩爲六年閱撥賞號動用訖雖未經奏明但先已咨明內部有案復于酌定耗羨章程案內節

成案彙編

卷九 倉庫三

全

次聲明且動用五年公費銀一千兩又經造入該年耗羨報銷冊內請銷實係咨明在先動用在後理合奏明等語臣等伏查動用錢糧例應分別報部如年例應需之項一面咨明一面卽行動用如業經奏裁之款後有必需動用之處自應奏明俟部覆准行始可動項支銷今閩省會撥賞兵銀兩係雍正十一年奏明裁革之項各年以來耗羨項下俱未動用乾隆五年如果必需亦應預爲奏請乃從前旣未奏明請

旨雖經咨部亦未奉部覆准卽將存公銀兩撥用顯係擅行動支何得以咨明在先動用在後爲詞應令該撫照數在于擅行撥動之員名下着追完報乾隆十年十月二十日奉

旨這賞號銀兩從寬免其賠補餘依議

軍需錢糧乖張糜費正副總理分賠案

乾隆元年正月二十二日奉

上諭從前張照辦理苗疆事務將撥解黔省軍需銀一百萬兩收貯貴東道庫總不令本省藩司與聞及元展成因軍需緊急司庫無項可支咨明張照促其協濟乃張照覆稱與伊全無干涉並不理論身為總理而公然漠視如此誠不知其是何肺腸及至動用錢糧又復錯雜舛謬如運送軍糧並不按照程途里數以致夫役任意延挨所運米數遞減而運費日增徒滋糜費其採買馬匹則將草料銀兩俱給馬夫承領以致馬匹倒斃疲瘦者甚多種種甚屬乖張甚屬可惡今據張廣泗奏前來着該部查明前項糜費應賠錢糧勒限嚴追在張照名下賠還十分之八德希壽名下賠還十分之二又據張廣泗奏稱現在軍需未竣請撥給銀八十萬兩來黔以資接濟等語着戶部卽撥給銀一百萬兩交與張廣泗料理動用其應動何省錢糧及作何運送之處着該部速議具覆給發欽此

將馬價及生息銀兩借用不作私借錢糧案

兵部題參事議得川督黃 疏稱 皇賞等奉營運生息該營將備等官自應詳慎經理以裕賞項詎寧越都司吳金章于都司任內承辦生息銀兩除扣還外不敷銀二百一十一兩零又守備賈國良于署冕山營遊擊任內承辦生息銀兩除交收外尙不敷銀七百九十兩零又將本營出師兒斯堡兵丁馱馬定價銀二百三十兩五錢此交銀三十二兩一錢雖該都司守備各將私自那用并借給弁兵商民生息銀兩俱各照數催收齊全已交該營給商營運其賈國良那用馱馬變價銀兩亦已照數交收清楚並無虧短情弊但濫用私借之咎均難寬縱等因查律內凡監臨主守將官物私自借用或轉借與人及借之者各笞五十官員犯笞五十者罰俸一年等語應將都司吳金章署遊擊守備賈國良照律俱于現任內罰俸一年奉

成案彙編

卷九 倉庫三

古依議

三

賞給巡捕三營生息銀兩

乾隆六年五月十日內閣奉

上諭巡捕三營兵丁向未給有生息銀兩查步軍統領衙門有入官房租
一項除歷年公用外現存銀一萬餘兩着以九千兩賞給巡捕三營生
息以爲惠濟兵丁之用其如何派員經管着步軍統領舒赫德酌量辦
理欽此

成案彙編

卷九倉庫三

全

生息銀兩不敷賞給紅白事八折給發奏准案

廣督策 爲奏明事切照東省各標協營惠濟兵丁銀兩交商營運
向俱二分起息給賞之外每年儘有餘存嗣因改照一分五厘生息
所收之項漸致賞給不敷經前督臣那蘇圖以粵東原定賞格俱較
閩省西省過優當卽飭司將原賞規條酌爲核減去後茲據廣東署
布政使納敏鹽運使朱介圭詳稱粵東先後共撥帑本銀一十七萬
九千二百兩內除撥給八旗及將軍標營三萬兩外實存帑本銀一
十四萬九千二百兩以每兩每月一分五厘起息計算每年所得息
銀二萬六千八百五十六兩照原定賞格每年通省各營約需銀三
萬一千兩所收息銀已少于派領之數從前尚有積存餘息可以通
融關支現今運庫之中已無息銀存剩若不早爲籌畫必致臨事周
章查粵東原定續增賞格紅事給銀四兩白事給銀八兩以及兵之

成案彙編

卷九 倉庫三

全

祖父母妻子本身事故子女婚嫁均有分別應賞之項較之閩省西
省實爲過優應請自乾隆十年爲始兵丁紅白事件照從前所定賞
格概以八折給發俟將來積有餘存再照原例辦理等情前來臣查
惠濟兵丁銀兩所生之息既有不敷自應酌量變通以期永久該司
等議請八折給發雖與原定之數少減而較諸西省尚優且將來利
息充盈仍可照前給發似屬妥協除批飭照議辦理臣謹奏明乾隆
十年九月二十日奉

硃批該部知道

涼州生息銀不拘一分五厘之例議案
大學士鄂 等准廂白旗咨稱涼州生息銀兩一案應移交軍機處
辦理等因具奏奉

旨知道了欽此移咨前來據稱涼州生息銀兩米布煤三舖及收租房間
銀兩合算利銀至三分八厘與軍機處原奏一分五厘之例不符但
該署將軍黑色奏稱係合之地方情形與兵民有益酌量辦理若概
定一分五厘不特難以貿易生息而所得利銀太少恐不敷兵丁賞
賜之用等因查乾隆七年四月內臣等定議各省生息銀兩概以一
分起利爲率多不得過一分五厘等因在案蓋期兵民兩益惟恐多
取于商則益兵而病民故也但事有權宜若非通融辦理則膠柱鼓
瑟勢有難行如各省分給鹽當生利銀兩出入自有定數自當以一
分五厘爲率若涼州米布煤舖皆係自行貿易經營早晚盈絀不齊
豈能預定利銀數目卽租賃房產亦係本人情愿非若交與各商生
息者可比且該署將軍黑色旣稱利銀太少則賞賜兵丁恐不敷用
臣等酌議應如該署將軍所議通融酌量辦理不必拘定一分五厘
之例可也乾隆九年七月二十一日奉

旨依議

粵省借帑生息修築堤工案

大學士鄂 等議覆御史陳高翔奏爲倡利滋弊一摺伏查懷利事君固盛世之所必斥而理財制事實王政之所宜先我

皇上軫念黎元勤求民瘼凡有關於閭閻疾苦之事無不上厪

宸衷動蠲數百萬之金錢以爲小民謀一勞永逸之計此中外所共知臣民所稔悉者大小臣工生逢

聖世共願以堯舜之道事

君誰復敢倡培克之謀進聚歛之策以自干罪戾擯棄

清時今廣東督臣鄂 疏請動支關稅銀十萬兩借給商人營運以爲修

築海陽等六縣堤工之用經工部議令估計戶部議給本銀奉

旨依議欽遵在案而御史陳 以借銀營運事涉言利奏請停止營運將

堤工銀兩另動別項興修在臺臣職司言路念切防微據理敷陳其

成案彙編

卷九倉庫三

七

立意非不可嘉而論事則尚有未當蓋未能稔知前項築堤之情形及借給商人營運之作何動用也臣等查海陽等六縣堤工向係民間按畝出夫自行修築多係土堤亦間有建築灰堤者工程低薄一遇風潮卽被淹沒民以爲累已非一日此項堤工與例應動支正項興修者迥乎不同今蒙

皇上厪念民艱允依前撫臣楊 所請動帑建築石工以垂永久民間既

免按畝捐修又得保護田廬使無災害實屬

聖朝之惠政至于借給商人營運之故蓋緣廣東一省每年正實錢糧不敷該省支給之用一遇缺少卽需隣省協撥而建築前項堤工又事屬創始若動支正項興修卽須別項撥補是以借給關稅銀兩營運生息且粵東各商皆資本無多平日俱係出四五分利息向人借貸而借給帑銀僅止一分五厘於商甚便歷來俱特領帑收鹽以爲恤

商裕課之計現在廣肇二府屬建築圍基亦經奏准借給鹽羨銀四萬二千餘兩令其生息既可少甦商困兼得藉以辦公今借關稅銀兩事同一例積至五年工程可以次第辦理原本可以全數清完論行政則惠而不費論理財實公而不私夫利者義之反也然用之而當則利未嘗不義故以利而聚之于上謂之贖貨以利而散之于下謂之施仁今營運者國帑而修築者民堤正屬以公辦公以利濟商民之善舉該御史陳將陳鴻熙王元樞等營運入已一案並舉而論實屬擬非其倫臣等查前項堤工各省類此者甚多若不因地制宜酌量變通辦理盡撥正項興修設各省俱各效尤錢糧何所底止竊恐國家之經費有常轉致恩施不逮臣等公同酌議海陽等六縣堤工應仍照戶部原議借支關稅銀兩營運辦理該御史陳奏請停止營運之處毋庸議吏部刑部禮部尚書及左右侍郎左右通

政使等議覆前來查國家理財制事自有恆經凡民間水利堤工等項應歸民修者因民之利擇可而勞原不必概爲動帑如民力難任應歸官修者卽宜酌動帑金不必委曲經營借端生利此爲治之正理也廣東海陽等縣堤工原係民間自行修理巡撫楊奏請將每年于鹽羨餘銀二萬餘兩建修石工以紓民力鄂又以鹽羨現修廣肇二府圍基俟圍基竣後再修曠日持久請借鹽商洋商關稅十萬兩營運生息其多方設法原因顧惜錢糧起見該御史陳輒以爲懷利聚歛殊爲過當但營運生息究屬言利之事有妨政體誠非盛世之所宜行現據勘明各堤工應動項修築者惟有海陽一縣所屬之東南北三堤且稱生息積至三年卽可辦理是所費亦不甚鉅我皇上念切民依海塘河工歲銷帑金不惜百萬潮屬堤工既有鹽羨可留分別緩急自可陸續措辦又何必借帑給商倡爲營運之謀倘各省

踵起效尤所關匪細况洋商水面往來經營非易鹽商既領官本自必于鹽價取盈將來展轉剝削拖欠虧賠累商累民勢所必至所有借商營運生息之處應如該御史陳 所奏

勅下停止行令該撫將堤工確佑卽于鹽羨銀內酌撥動用其各堤歲修原資民力者自應因地制宜使民以時不必過于姑息一槩動帑其間輕重緩急俱令該督撫詳細斟酌妥協辦理可也謹奏請

旨奉

上召入面諭曰從來利之一字乃聖人之所不諱而爲賢者之所謹防易之文言釋元亨利貞曰利者義之和也利物足以和義繫辭曰理財正辭禁民爲非曰義論語亦曰因民之所利而利之與周易正相發明惟放利自私則不可耳蓋義利本非兩截用之利物則公而溥是利卽義也用以自利則貪而隘是利卽害也後人但見言利之害遂將

成案彙編

卷九 倉庫三

完

義利判然分爲兩途如冰炭水火之不相入孟子恐人舍義言利曰趨于害而不自覺所以有何必曰利之說也所謂利物者以百姓之資財謀百姓之衣食上之人不過爲之董率經畫而已所謂自利者培克聚歛取下民之脂膏充朝廷之府庫以致民力益竭民怨日增其爲害孰大焉今鄂 奏請廣東潮州府屬海陽等六縣民堤請借給商人關稅銀十萬兩營運生息次第興修經戶部議准御史陳以爲督臣不應言利復行條奏朕交爾等會議又各抒所見兩議進呈朕覽後議以借帑營運辦理公事爲非持論未嘗不正但經理天下之事必須總攬全局期于可行如海陽等縣堤岸原係小民自修之工程因其力量不足是以仰賴官修而廣東所有之公項又不敷本省公事之用不得已而爲營運之舉查廣東商人資本無多往往不惜重利向人借貸以圖息是以向來皆借給帑銀出息收鹽以爲

裕商之計今借給關稅銀兩既可少紓商困又可裨益民田頗稱兩便若以借帑築堤爲不可行則商人之借帑收鹽亦不可行矣推而至于內外惠濟兵丁銀兩皆營運生息之所出若以生息爲非則向來之賞賚兵丁以爲吉凶之用者可以一旦中止乎兵丁惠濟旣不可中止而國家之經費有常又何從措辦此格外之恩賞乎將來有人援照海陽堤工之例以請止停營運者爾等其將議准乎抑議駁乎可知議天下事者本有因時制宜之道識見不可以不廣也夫以義爲利以利爲利之辨朕籌之已審目前實有不得不通盤計算雖宜辦理之勢如果將來國用充盈百姓家給人足則現在施行之事又何不可變通之有此案着照前請行可將兩議并朕諭旨俱行頒發俾各省督撫知之若非大有益于民生之事而以生息營運爲辦理公事之善法則又不知爲政之體者矣欽此

河南駐防生息餘銀設倉買穀平糶及借給兵丁買馬
兵部爲遵

旨議奏事先經河南城守尉五十一呈請河南生息盈餘利銀開設米局
等欸一案經臣部議請

勅下河南巡撫詳細查明彼地情形妥議去後今該撫碩 奏稱兩翼各
設常平倉一座等語應如所奏河南駐防兩翼准其各設常平倉一
座將滿營息銀三千兩令該城守尉遴選能員于麥熟秋收後無論
米豆二麥均行採買分貯兩倉派撥佐領防禦等員管理每年于青
黃不接或糧價昂貴之時照依原買價值糶給生計不足之兵丁毋
庸加利收息糶完仍將價銀存貯俟麥熟秋收後再行買補備糶其
應建倉廩該城守尉酌定間數于前項餘利銀內動支建造仍行造
具料估清冊咨送工部核算毋致浮冒俟工竣後將用過銀數造報

該旗查核又奏稱兵丁倒斃馬匹購買維艱將尙餘利銀存爲借給
之項等語亦應如所奏將餘利銀一千八百兩存爲借給兵丁買補
倒斃馬匹之項遇有兵丁倒斃馬匹准其借給每兵不得過五兩之
數止將本銀作十個月扣還免其取利以上二項俱令該城守尉不
時稽查倘有那移侵肥及賤買貴賣報明臣部照例議處其每年出
入銀數仍于歲底咨報該旗查核乾隆九年三月初七日奉

旨依議

苗疆新營兵丁酌賞眷口米石

乾隆八年十二月初一日奉

上諭湖南新設長安營乃南楚極邊要地山多田少又無商販可通兵丁所領月糧止敷本身餬口其餘眷屬雖有官貯米石聽其支領扣餉銷算而兵丁又因價值腳費煩多難以支領是以設營以來業經三載而營中接到眷口者甚屬寥寥深可軫念查該營實兵九百二名着加恩每月每兵增賞眷米一斗每年共米一千八十二石四斗俟數年之後兵丁家室團聚開墾荒地日食有資該督撫再行奏聞酌減此係軫念苗疆新營兵丁艱苦他處不得援以爲例欽此

加給天津各營馬乾銀兩

乾隆三年十月初七日奉

上諭各營喂養馬匹惟恃馬乾銀兩查直隸河間通州一帶每馬一匹夏
秋二季月支銀九錢冬春二季月支銀一兩二錢惟天津鎮標左右城
守三營大沽等四營每馬一匹夏秋月支銀五錢冬春月支銀九錢較
之別營爲數減少蓋以天津地勢窪下水草茂盛便於牧放故酌減其
價也但天津鎮標三營及大沽王慶坨二營地處水濱爲九河下稍連
年遭值水患田禾淹浸非平時可比目下兵丁採買草料價值加昂深
可軫念着將鎮標城守三營并大沽王慶坨二營實在差撥馬兵三百
十四名冬春二季每月應與乾銀九錢外加賞銀三錢與河間通州二
協之例相等俟明年夏季仍照舊例關支使兵丁等寒天牧馬不致拮
据示朕體恤之意欽此

西安駐防綠旗兵丁馬匹草料請照陝甘調撥馬匹支給
戶部爲懇請轉達下情以恤兵艱事查得陝撫武 疏稱河南直隸
移駐西安兵馬原係駐防候調在槽喂養買料之外兼須買草若照
西安標營平常喂養之例折色月分日支草銀三分恐馬匹不免疲
瘦倘有調撥貽悞匪細應將河南直隸駐劄西安兵丁騎馱馬匹請
照陝甘調撥在營馬匹每日支銀五分之例一體支領喂養等語查
陝省摘調存營馬匹前據寧遠大將軍岳 奏請每馬日給銀五分
喂養等因經大學士議覆准行在案應將河南直隸駐劄西安兵丁
騎馱馬匹遇折色月分准其照例每馬日支銀五分務使喂養臚壯
聽候撥用仍將支過銀兩數目造入該年兵馬奏銷冊內報部核銷
可也奉

旨依議

成案彙編

卷九 倉庫三

七

勇健營發回兵丁及押發官員支食俸糧定案

戶部為請領俸餉銀兩事乾隆元年十一月二十一日准河撫富
咨稱查勇健營遊擊張燦先准川陝督憲 咨分發河南省照銜補
用所有該員在陝借支過本年秋冬二季俸餉銀兩應以到豫之日
住支補官日起支如有長支銀兩卽扣貯豫省藩庫遇便解甘還項
等因該遊擊已于十月初八日到省其本年秋冬二季俸餉等銀已
蒙大將軍准支以作沿途盤費至乾隆丁巳年春季起一應俸餉等
銀應于豫省起支查雍正十二年九月二十八日准部咨為食俸章
程等事內開分發各省効力員并有現任分發者有伊現任職銜應
于到營之日照銜支食俸薪等語今張燦係勇健營遊擊分發豫省
照銜補用有現任職銜應于到營之日照銜支食俸薪不支心紅馬
乾之例相符但查陝省來咨又稱該遊擊俸餉等項應以到豫之日

成案彙編

卷九 倉庫三

左五

住支如有長支銀兩卽扣貯豫省遇便解甘還項該員應否以到豫
之日住支俟得缺後支食俸餉再行扣還甘省事關錢糧相應咨請
示覆等因前來查雍正十二年九月內本部會全九卿議奏食俸章
程一摺內開其分發各省巡捕三營効力員并有現任分發者有候
補分發者亦有原無職銜奉

特旨分發試用題補者如現任分發効力之員有伊現任職銜應于到營
之日照銜支食俸薪候補分發及原無職銜之員該督撫等或委署
別缺卽于授劄任事之日照所署員缺給與俸薪心紅馬乾等項至
該員到營後未經得缺委署之時有職銜者照伊應得俸薪給與一
半無職銜者酌量給與把總 半俸薪以資養贍其餘心紅馬乾等
銀不准支給等因奏准通行各省遵照在案又查乾隆元年三月內
總理事務和碩莊親王等議覆查郎阿等摺奏內稱應如查郎阿等

所奏將勇健營兵丁令其各回本省分發就近之督撫提鎮隨標効力仍照例支領糧餉其情愿入伍者遇本標兵丁缺出卽行充補有情愿告退者聽其辭糧告退又兵丁各回本省途間自需官弁管押應照查郎阿等所奏卽令原領之將備千把分領管押送到各省之後卽將該員留在該省令該督撫等照銜補用等因亦經通行各在案又近經陞任江西撫俞 咨稱勇健兵丁到營之後遇有缺出卽行充補原食馬糧者補與馬缺原食步糧者補與步缺如無缺可補給與步糧以資養贍于各營建曠銀內動用于奏銷冊內查明核銷其原籍養贍家口糧餉以分發到營之日停止等因本部亦准照咨辦理在案今各省咨請之例不一查勇健營官員原係現任分發候補之員其到各本省之後應卽照九卿議定之例以到營之日起照銜支食俸薪俟得缺之後照缺支給俸薪心紅馬乾等項兵丁到營

之後查明情愿入伍者遇有缺出充補原食馬糧者補與馬缺原食步糧者補與步缺如無缺可補給與步糧以資養贍于建曠銀內動支報銷其原籍養贍家口糧餉俱以分發到營之日停止再經制外委千把總未得缺之前亦照例支給馬糧一分相應行文直省督撫并內務府一體遵照辦理至遊擊張燦等在甘借支本年秋冬二季俸餉等銀河撫咨內一稱已蒙大將軍准支以作沿途路費一稱陝督咨如有長支銀兩卽扣貯解甘還項前後所議互異應行文川陝總督將勇健營官員在甘支過秋冬二季俸餉等或准作路費或將長支銀兩扣還之處查明報部查核并 咨過俸餉等項細數逐一造冊報部可也

八旗官兵曾經出兵之年老者分別給賞

乾隆五年十二月 日奉

上諭八旗官兵內出兵効力行走年老者朕心甚為憐念特加恩分別賞給令伊等充裕過年現當差退差行走者無論官內八十歲以上者賞銀一百兩七十歲以上者賞銀八十兩六十歲以上者賞銀六十兩兵內八十歲以上者賞銀四十兩七十歲以上者賞銀三十兩六十歲以上者賞銀二十兩卽行交與該部旗遵旨辦理欽此

未出境離本營貼防弁兵照出師例給鹽菜銀兩

戶部覆署湖撫 以從前本省調撥貼防官兵原無支給鹽菜銀兩之例今因黔苗滋擾逼近楚疆沅靖沿邊各處隘口應加謹防範本年四五月間飛撥各汛官兵移駐堵禦并聽援剿之用告竣之期遙遙莫定久戍苗邊淡食堪憐請一體支給鹽菜銀兩等因查貼防堵禦官兵給與鹽菜銀兩之處先據該撫咨請部示臣部以事關應付軍需理應就近酌量緩急相機辦理行令自行酌量妥協報部續據該撫以現在黔省貼防官兵已經出境日逐拒敵實屬勞苦議及鹽菜銀兩若候部覆給發難以久待應照出師之例于各撥到邊隘之日爲始卽行支給未經出境官兵鹽菜銀兩仍候部覆遵行等因咨部臣部行令該撫將已經出境官兵照例支給鹽菜銀兩未經出境官兵仍照原行酌量辦理在案今該撫既稱本省調撥貼防官兵相離本營自五六百里以至千有餘里不等冒暑遠涉實屬勞苦該兵丁等自駐防以來業經數月久戍苗邊淡食堪憐今現在貼防弁兵一千四百餘員名可否照出師官兵之例一體支給等語應如該撫所請將未經出境現今貼防前項弁兵准其照出師官兵之例于文到之日一體支給俟事竣之日一并入冊分晰報銷雍正十三年十月內奉

旨依議速行

晉省兵米加增價值

乾隆元年六月初一日總理事務大學士張 交出奉

上諭晉省各營兵米折色一項從前每石折銀四錢幾分至五錢六錢不
等蒙我

皇考軫念兵丁米價不敷槩令每石折給銀七錢是已較舊例加增矣今朕
訪聞此加增之價仍有不敷之處所宜再爲籌畫者查省北米價較平
于省南着將省北大同鎮屬各營路米折每石加銀二錢共折給銀九
錢省城撫標及省南太原鎮屬各營路米折每石加銀三錢共折給銀
一兩至于本年秋季爲始卽在地丁銀兩內支給將來年歲豐歉不定
若有應增應減之處着該撫臨時酌量奏聞至撫標現有額外二營其
應支兵米亦照此例加增特諭欽此

廣東兵米折價不准加增

戶部爲遵

旨議奏事議得廣督鄂 議覆提督張 增價折給兵糧一案查增價折給兵糧固爲惠濟兵丁之善策然必須查明現在折給之價委係不敷採買且較諸各省折給兵丁之數實屬短少原不妨預令加增今查粵東省八旗各標鎮協營寨共歲需糧料米五十一萬一千二百七十五石零通省額徵民屯本色米三十三萬八千九百六十六石五斗零外尙不敷糧料米十七萬二千三百八十五石零每年俱照部頒定額于地丁項下支銀折給廣南韶惠潮肇廉瓊八府羅嘉連三州每石折銀七錢高廉二府每石折銀五錢謂之餉折其額征本色米內有水路不通之州縣輓運維艱不得不改爲折色及浮糧累民因而改爲折色者每石征銀七錢五錢不等謂之折價臣等查前

案彙編

卷九 倉庫三

百

項折色折價之米粵東高雷二府素稱產米之鄉每石五錢儘敷採買其餘八府三州每石七錢與時價不相上下採買亦無不敷之處原不必于定價之外另行議增者也况查粵東一省除馬匹之料米外現在兵丁折價之米僅止一萬八千七百四十四石五斗零向折之米僅止二萬九千七百六十石零以通省兵丁五萬七千餘名計支折色之米在每兵名下不過折給數斗爲數甚屬無幾較之他省兵丁半米半折者所獲已多今若于定額之外復將向例七錢者加至九錢五錢者加至七錢在

皇上軫恤兵丁恩加無已又何惜此八千餘金之帑項但已數十年遵行已久兵丁俱各相安之例一旦遽事更張濫行增給將來漸不可長實多未便該提督張 並不通盤籌畫細加查核種種款項牽混數目不符率請加增固屬冒昧該督鄂 身任封疆于定例不應加增

之項復依違勉請量加亦屬模稜兩可應將該提督張 原奏及該
督鄂 覆奏加增兵米折價之處均毋庸議奉

上諭粵東省兵丁折色米價如果不敷自應奏請增給若例不應增卽應
將不必議給之處據實具奏今鄂彌達身任封疆何得以不行加給
恐兵丁滋事怨言草率議覆殊屬不合爾部可行文申飭餘依議

陝西苦紅二堡照河西例增給兵糧折價

陝督慶 為請

旨事切照甘省河西之甘涼西肅馬兵糧料採買艱難兵用拮据前督臣查明酌議變通于乾隆七年欽奉

諭旨以甘涼西肅遠在邊陲土瘠兵貧非內地可比所有應給折色舊例每糧一石折銀一兩者增銀二錢定為一兩二錢之數料豆亦照此加增從乾隆七年秋季為始永著為例欽此在案誠以河西遠在邊陲米糧本少輓運維艱原與河東兵伍不同軫念戎行 恩膏普沛雖據河州鎮呈稱所轄苦紅二堡為河西要地比接莊浪五郡咽喉額設兵丁七十名向隸西寧鎮統轄因雍正十三年議將苦紅二堡割隸河鎮然境內在河西與內地遠隔每年估支糧料仍照舊例與莊浪等營全在平番倉內關支既與內地產糧之鄉不迥且與河西

成案彙編

卷九 倉庫三

三

寧夏產糧之地亦別山高土冷米糧稀少市價昂兵食未免拮据請照河西之例一體增給價值以推廣

皇仁等情前來行藩司查詳到臣臣查新政河鎮所轄苦紅二堡既係坐落河西汎防向隸西寧與莊浪事同一例與內地不同從前查造遺漏應懇

皇上將二堡額設兵丁歲支折價糧料三百一石零照每石加銀二錢之例歲增銀六十兩零為數雖屬無多而河西貧苦邊兵得受

聖恩愈加頂戴于鼓勵戎行似非小補謹奏乾隆九年四月初五日奉 硃批着照所請行該部知道



